

501760

福建通志

第 三 册

天文志、地理

志、疆域志

K295.7
1

福建天文志

經緯度

地球大塊縱逕七萬二千里橫逕九萬里無論中西新舊量天之法均分

大地為三百六十度其謂三百六十度者微誤南北之緯綫每橫度黍尺皆得二百

里而東西之經度其縱綫甚偏又名偏度參差之率太不相同其漸近兩

極漸狹以漸無其漸抵赤道漸增而漸廣極廣處二百里極狹為兩極之

盡處則漸滅無餘分寸俱泯惟具地樞之一點於極端而已緯以赤道為

起綫福建在赤道北故曰北若干度經以京師為中線故曰偏東或偏西

福建通省惟有長汀上杭武平偏西若干度也

福建省會福州府閩縣侯官縣在赤道北二十六度零三分京師子午綫

偏東三度 古田縣北二十六度四十分一說以為偏東二度二十九分

一說以為屏南縣北二十七度零三分一說以為僅偏東二度十八分

一說以為閩清縣北二十六度一十三分偏東二度三十三分 長樂

四十七分 福建天文志 經緯度 通志二十一

縣北二十五度五十四分偏東三度一十七分 連江縣北二十六度零

九分三十秒偏東三度一十六分 羅源縣北二十六度二十六分偏東

亦三度一十六分 永福縣北二十五度四十七分偏東二度三十三

福清縣北二十五度四十一分偏東三度零八分

興化府莆田縣北二十五度二十六分偏東四十七分 一說以為二度四十七分 仙

遊縣北二十五度一十八分偏東二度二十八分

泉州府晉江縣北二十四度五十六分偏東二度二十五分 南安縣北

二十四度五十八分偏東二度二十二分 惠安縣北二十五度零二分

偏東二度三十六分安溪縣北二十五度零二分 一說以為僅零一分 偏東一度五

十五分 同安縣北二十四度四十五分 一說以為二十五度四十五分 偏東一度五十

二分三十秒 馬家巷廳 撫民通判駐所 北二十四度三十分偏東一度四十分

漳州府龍溪縣北二十四度三十二分偏東一度二十二分 一說以為僅二十分

漳浦縣北二十四度零九分偏東一度二十一分 南靖縣北二十四度

三十五分偏東一度一十七分 長泰縣北二十四度三十七分偏東一

度三十二分 平和縣北二十四度一十八分偏東四十五分 詔安縣

北二十三度四十四分偏東五十一分 海澄縣北二十四度二十七分

三十秒偏東一度三十九分 雲霄廳撫民同知駐所北二十四度偏東一度

延平府南平縣北二十六度三十九分偏東一度四十九分 將樂縣北

二十六度四十四分偏東一度零九分 沙縣北二十六度二十三分偏

東一度二十七分 尤溪縣北二十六度一十三分偏東一度五十分一

以為五分 順昌縣北二十六度四十七分偏東一度三十分 永安縣北

二十五度五十五分偏東一度零五分

建甯府建安縣甌甯縣亦倚郭北二十七度零四分偏東二分 建陽縣

北二十七度二十三分偏東一度四十四分 崇安縣北二十七度四十

六分偏東一度三十七分 浦城縣北二十八度偏東二度一十三分

松溪縣北二十七度三十七分偏東二度二十分 政和縣北二十七度

二十六分偏東二度二十五分

邵武府邵武縣北二十七度二十一分偏東一度零五分 尤澤縣北二

十七度三十二分偏東四十五分一說以爲一度 泰寧縣北二十六度五十六

分偏東四十九分 建甯縣北二十六度四十七分偏東三分一說以爲東三十分

汀州府長汀縣北二十五度四十五分一說以爲四十七分 偏西二分一說以爲偏東二分

寧化縣北二十六度一十一分偏東一十九分 上杭縣北二十五度五

十九分一說以爲二十四度五十九分 偏西五分一說以爲偏西一十三分 武平縣北二十五度零

四分偏西二十三分一說以爲偏東五分 清流縣北二十六度零六分偏東三十

三分一說以爲僅三十分 連城縣北二十五度三十七分一說以爲滿四十分 偏東二十七

分一說以爲二十一 歸化縣北二十六度一十九分一說以爲十七分 偏東五十一分

永定縣北二十四度四十六分一說以爲五度四十六分 偏東二十四分

福甯府霞浦縣北二十六度五十四分偏東三度四十一分 福鼎縣北

二十七度一十八分一說以爲二十八分 偏東三度五十三分一說以爲四十分耳 福安縣

北二十七度零五分偏東三度一十九分 甯德縣北二十六度三十九分偏東三度一十四分 壽甯縣北二十七度三十二分偏東三度零三分

永春直隸州本州北二十五度一十八分偏東一度五十九分 德化縣

北二十五度二十五分偏東一度五十九分 與州治 緯度同 大田縣北二十五

度四十分偏東一度四十一分

龍巖直隸州本州北二十五度零九分偏東三十九分 漳平縣北二十

五度一十七分偏東一度一十分 甯洋縣北二十五度三十五分偏東

一度零二分

福建臺灣省在大海中臺北府 巡撫布政使駐節地 北二十四度四十五分偏東四

度三十一分 臺灣府 俗稱台中本係大甲溪南彰化縣橋頭謠作喬孜圖 北二十四度三分偏東

四度二十八分 臺南府 台澎督學提刑道駐治處舊台灣府 北二十三度偏東三度二十

一分 臺東直隸州 在故卑南覓廳迤北 北二十三度一十分偏東五度四十九分

澎湖直隸廳撫民通判治所別居海中北二十三度三十五分偏東三度零二

分

海灣諸要島 海壇平潭海防同知駐之北二十五度三十分偏東三度三十分

廈門廈防同知駐之北二十四度三十分偏東一度五十二分海防同知不撫民金穀命盜歸同

金門分防縣丞駐之北二十四度三十分與廈門經度同偏東二度一十分 銅山海防同知駐之

巡司北二十三度三十八分偏東一度十二分 南澳與廣東省共之北二十二

度一十五分偏東四十五分

日出入凡斷代成書宜舉最末之年茲擬即以前清宣統三年度為晷刻考

福建省會在經東三度無零分與北緯二十六度零三分而北京則位於

東西之中綫與北之三十九度五十四分茲志專攷福建省會二十四即

氣晝夜長短之差均以太陽出入時刻列之如左

冬至 日出卯正三刻零四分日入酉初初刻一十一分晝長四十一刻

零七分夜長五十四刻零八分 小寒 日出卯正三刻零二分日入酉

初初刻一十三分晝長四十一刻一十一分夜長五十四刻零四分 大

寒 日出卯正二刻一十一分日入酉初一刻零四分晝長四十二刻零

八分夜長五十三刻零七分 立春 日出卯正二刻零三分日入酉初

一刻一十二分晝長四十三刻零九分夜長五十二刻零六分 雨水

日出卯正一刻零八分日入酉初二刻零七分晝長四十四刻一十四分

夜長五十一刻零一分 驚蟄 日出卯正初刻一十二分日入酉初三

刻零三分晝長四十六刻零六分夜長四十九刻零九分 春分 日出

卯正^整日入酉正^整晝長四十八刻^無夜長四十八刻^無 清明 日出

卯初三刻零三分日入酉正初刻一十二分晝長四十九刻零九分夜長

四十六刻零六分 穀雨 日出卯初二刻零七分日入酉正一刻零八

分晝長五十一刻零一分夜長四十四刻一十四分 立夏 日出卯初

一刻一十二分日入酉正三刻零三分晝長五十二刻零六分夜長四十

三刻零九分 小滿 日出卯初一刻零四分日入酉正三刻一十一分

晝長五十三刻零七分夜長四十二刻零八分 芒種 日出卯初初刻

一十三分日入酉正三刻零二分晝長五十四刻零四分夜長四十一刻

一十一分 夏至 日出卯初初刻一十一分日入酉正三刻零四分晝

長五十四刻零八分夜長四十一刻零七分 小暑 日出卯初初刻一

十三分日入酉正三刻零二分晝長五十四刻零四分夜長四十一刻一

十一分 大暑 日出卯初一刻零四分日入酉正三刻一十一分晝長

五十三刻零七分夜長四十二刻零八分 立秋 日出卯初一刻二十

二分日入酉正三刻零二分晝長五十二刻零六分夜長四十三刻零九

分 處暑 日出卯初二刻零七分日入酉正一刻零八分晝長五十一

刻零一分夜長四十四刻一十四分 白露 日出卯初三刻零二分日

入酉正初刻一十二分晝長四十九刻零九分夜長四十六刻零六分

秋分 日出卯正日入酉正均晝長四十八刻夜長四十八刻俱無寒

露 日出卯正初刻一十二分日入酉初三刻零三分晝長四十六刻零

六分夜長四十九刻零九分 霜降 日出卯正一刻零八分日入酉初
二刻零七分晝長四十四刻一十四分夜長五十一刻零一分 立冬
日出卯正二刻零二分日入酉初一刻一十二分晝長四十三刻零九分
夜長五十二刻零六分 小雪 日出卯正三刻一十一分日入酉初一
刻零四分晝長四十二刻零八分夜長五十三刻零七分 大雪 日出
卯正三刻零二分日入酉初初刻一十三分晝長四十一刻一十一分夜
長五十四刻零四分

附列福建各屬九府二州冬夏二至日出入時候比較圖圖於左餘從畧

冬至


日出



冬至

日入





附星野舊說分野之說古矣傳會或離不值談新學者一哂然舊通志以及郡邑故志無不連篇累牘各有證明今竟刪之反遭駭詰姑留之以備一說

九州分野詳於周籍定紀繫象昉自緯書顧隋以前史志無專言福建星野者僧一行既分兩戒謂南紀分墊東南負海為星紀又言斗為吳分牛

為越分是統福建於越繫越野於牛揚州南境即今福建星野確定自唐然諸

書有以福建為兼斗牛女者史記正義南斗牽牛女為揚州後漢書郡國

志注引帝王世紀斗十一度至婺七度又名須女吳越之分野星經則既

曰南斗牽牛吳越分野繼曰牽牛次一二星主南越又曰女前十二星主

十二國鄭北一星曰越亦有以福建為兼斗牛者爾雅郭注牽牛斗者曰

月五星之所終始故謂之星紀邢疏吳越也淮南子星部名斗牽牛越須

女吳沈約宋書天文志斗牛吳越分元魏李業興謂斗一度至牛五度清

用西法赤道自箕二度七分至斗二十四度二十分黃道自箕四度十一

分至牛一度五分為星紀又有以福建為兼牛女者漢書天文志斗江湖

牽牛婺女揚州其地理志吳地斗分野粵地牽牛婺女分野杜佑通典牽牛婺女越之分野宋史天文志牛宿下三星王南越又須女占越分明史天文志福建布政司所屬皆牛女分其以福建爲專屬於牛者春秋緯元命苞牽牛流爲揚州分爲越國後漢書天文志牽牛王吳越曹魏太史令陳卓謂會稽入牛一度吳虞翻亦曰會稽上應牽牛之宿下當少陽之位然則會稽之東南部如福建者於分野屬牛必矣清初雖已改從西法而猶未廢星野西儒之言曰古今經緯黃黑皆差或至於前後易次故星紀古爲丑宮今則進居於子位古人歲差宮與星未嘗易也西法中氣過宮恒星有歲進之差宮無定宿宿則遞居各宮所以能較舊法尤見縝密然西士非不審星野之誕而湯若望南懷仁輩實附會中國之古法以售其技耳搏搏大地亦不過眾星之一以精良遠鏡窺測天象行星之躔既不僅五恒星之宿又何止二十有八乎悟此則星野之說窮而且歐斐美澳海外有大九洲卽以海內論之我國但崑崙之東一隅而已乃曰某地爲

某宿某宿等數恒星之分野某地又為某宿某宿等數行星之分野彼崙
崙以西以南以北之地及海外諸大洲諸小島之地又將誰屬乎知此則
星野之說愈窮今已不尙分野而尙經緯之度仍據前書所謂星野者彙
集諸說著於篇周禮保章氏爾雅淮南子春秋元命苞史記天官書漢書
吳虞翻說星經通典晉書宋書
隋書唐書宋史明史天文志

福建地理志



福建地理志卷一

沿革上 全省沿革表附

虞夏

虞書益稷至于海隅蒼生萬邦黎獻夏書禹貢淮海惟揚州

按福建在虞夏時爲東南海隅禹會塗山玉帛萬國塗山既揚州之山
福建亦萬邦之一也

商

逸周書伊尹朝獻商書正東越漚

周

逸周書王會解東越海魚歐人蟬蛇蟬蛇順食之美於越納姊妹珍具區
文蜃共人玄貝海陽大蟹自深桂會稽以輶皆西嚮

案福建稱東越逸周書爲最早以在越國之東南境也成周之初寔偕
甌越會稽等西向朝周列名王會其定朝儀爲西向者卽緣東越諸地

悉屬東方也。歷稽古地，全越本呼於越，亦有干越之說。春秋左氏傳襄公二十九年，吳伐越，此越國之首見于左傳，固直名之以越也。又春秋經昭八年，楚執陳公子招，放之于越，于越二字乃國名。經哀五年，於越入吳，於于古通用也。或謂于越當作干越者，則越之西有餘干。一作耳。漢書黠助傳淮南王言越人餘汗，欲為變必先敗餘干界中是。然於越實先見於逸周書，所謂於越姊妹者，即姑蔑太末，其首列東越，次乃歐人，又次乃於越者，西嚮之國。東越在極東，以次漸西也。孔晁注云：東越則海際，謂斗入于海隅。且當日

所獻者海食，蓋專魚鹽蜃蚶之利，與福建正合。

竹書紀年：周元王四年，於越滅吳。貞定王元年，徙都琅邪。四年，勾踐卒，是

為莼執。追號也。次鹿郢立十年，鹿郢卒，不壽立二十年，不壽見殺，是為盲姑。

朱勾立。水經注：威烈王十四年，朱勾卒，翳立。安王二十三年，由琅邪遷吳。

二十六年七月，太子諸咎殺翳。十月，越人殺諸咎。立孚錯。枝烈王元年，越

大夫寺區定越亂，立初無余，是為莽。安顯王四年，寺區之弟思弒其君莽。

安次無顛立十二年無顛卒是為菱蠅卯無疆立三十四年無疆代楚

十六年楚殺無疆隱王統箋史記作裁王聲相近三年四月越王使公孫隅來獻舟三

百箭五百萬及犀角象齒此越王疑即越君長纘統者史記越勾踐世家二十餘世至

于允常吳越春秋允常聘歐冶作五劍福建有冶山歐冶池由此勾踐世家勾

踐子鼫與鼫與子不壽不壽子翁翁子翳翳子之侯之侯子無疆案隱王

楚威王大敗越殺無疆盡取故吳地至浙江而越以此散諸族子爭立或

為王或為君濱于江南海上東越王翳姓承無疆之閩君名搖亦皆其後

也

案此福建屬越及東越之源委也

秦

史記秦始皇本紀二十六年分天下以為三十六郡三十三年畧取陸梁

地為桂林象郡南海東越列傳閩越王無諸及越東海王搖者皆勾踐之

後秦廢為君長以其地為閩中郡漢書兩晉書地理志初分天下為二十

六郡于是興師踰江平取百越置閩中南海桂林象凡四十郡又曰建安郡故秦閩中郡地

案此亡秦之謬首以東越屬閩中郡自是以降數千年遂誤以閩稱福建也

漢

東越列傳漢書兩粵傳並云閩越越漢書皆作粵王無諸及越東海王搖率越從諸侯滅秦當是時項王王命弗王以故不附楚漢擊項籍無諸搖率越人佐漢漢五年復立無諸為閩越王王閩中故地都東冶孝惠三年立搖為東海王都東甌世俗號東甌王漢書高帝紀十二年三月詔曰南武侯織亦粵之世也立以為南海王

案說文解字云閩東南越蛇種此謬誤之言也福建當稱東越以別南越不當稱閩越尤不當稱閩今之福建人皆來從中州並非東越人然

不可不察者秦既不學以越為閩

漢因之號爲閩越旣閩又越尤不詞矣然史記立傳只稱東越漢書朱
買臣傳言東越數反覆言故東越王居保泉山言東越王更徙南行又
言擊破東越絕不稱閩越蓋東夷北狄西戎南蠻四者以分屬四裔天
下古今之通稱戎亦稱羗以其牧羊非羊種也狄从犬以其使犬非犬
種也亦稱貉以其地多豸類非豸種也蠻亦稱閩以其地多虫多蛇非
虫種蛇種也故職方氏八蠻七閩並稱鄭注閩蠻之別賈疏叔熊居濮
如蠻後子從分爲七種故謂之七閩閩與蠻雖七八別數具屬南方鄭
語閩芊並稱亦作蠻芊可見蠻也閩也皆指南方羣蠻荆蠻而與東越
無與也山海經云甌居海中閩居海中夫海中者四至皆海之稱福建
之郡縣無居海中者島嶼則有之豈能以一二島嶼概全福建乎浙之
定海玉環所謂甌居海中也粵之瓊州或可謂閩居海中左氏傳曰寡
人處南海孟子曰孫叔敖舉於海皆指南方楚地其言東越之海者莫
先於逸周書之海奩而與南方之閩無與也明宋濂作播州楊氏家傳

曰伐羅閩時閩附南射曰閩匿將士曰閩執之以歸曰幽于閩十載曰
與閩有連曰閩不答曰閩大潰曰亡入閩曰閩黨宋大郎曰入閩而死
曰入閩作亂曰閩酋偉桂曰入閩諭羣酋內屬曰閩大舉入寇曰閩敗
却曰大敗閩衆於中流曰閩悉兵寇下邑曰閩自是懼不復出曰十九
年閩叛曰閩婦蛇節皆指播州之一種族言蓋卽居濮之閩散處於此
與秦稱閩中之閩相去幾萬里焉得溷閩於東越哉又日本古本玉篇
引說文云閩南越蛇種無東字亦其證也漢晉旣誤踵秦謬稱東越爲
閩厥後陳置閩州隋置閩縣又何怪焉特是高帝末惠帝初漸分東越
爲三東甌在東越東北固由閩越析出南武不知何地南海則已郡于
秦政據于趙佗漢何得以封織織何得與佗爭耶然則南海國非秦故
南海郡矣攷福建諸水獨汀水行于丙丁之方由汀下潮南趨以入于
海織先侯于南武必在東越南海之濱其地有南太武山與北太姥山
南北遙對太姥卽太武漳有南靖本名南勝邵有昭武汀有武平且也尉佗

曾號南粵武王武帝餘善亦刻武帝印璽武為地名國名非生時而即

自諡是則織稱南武之侯當在今汀漳境中及進南海王尤必盡道

而拓梅汀西連南粵邊界北包雩雩都即竹書紀年周穆王時之越紆或作楊雩等縣皆鄰

平廬專指吉安廬陵淦以上雩淦廬陵皆湖漢上流淦疆域不限於今

福建而無諸東越之地則縮小矣

東越列傳建元三年閩越發兵圍東甌天子發兵浮海救東甌未至閩越

引兵去東甌請舉國從中國乃悉舉眾來處江淮之間案此時東甌地又

云建元六年閩越擊南越上遣大行王恢出豫章西道大農韓安國出會稽

道東皆為將軍兵未喻嶺閩越王郢發兵距險其弟餘善乃縱殺王天子詔

曰郢等首惡獨無諸孫繇君不與謀乃立丑為越繇王奉閩越先祭祀又

云餘善已殺逞威行于國民多屬竊自立為王繇王不能矯其眾天子聞

之因立餘善為東越王與繇王並處

案自此削除閩越之名只稱東越

福建也里志沿革上

東越傳元鼎五年南越反餘善請以卒八千從擊呂嘉等不至漢書朱買

臣傳是時東越數反覆買臣因言故東越王居保泉山山即治今聞東越更

徙處南行去泉山五百里居大澤中當指泉州南今發兵浮海直指泉山

謂乘勝可破滅也上拜買臣會稽太守居歲餘買

臣受詔將兵與韓說等俱擊破東越東越傳元封元年故越衍侯吳陽以

其邑七百人反攻越軍于漢陽從建成侯敖與其率從繇王居股俱殺餘

善降于是天子曰東越阻多阻閩越悍數反覆詔軍吏皆將其民徙處江

淮之間東越地遂虛沈約宋書漢武帝世閩越反滅之虛其漢書地理志

會稽郡治會稽一郡之縣二十六治與回浦注南部

案治縣即無諸所都之東治回浦縣亦搖所都之東甌會稽典錄有朱

育對太守語元鼎五年除東越以其地為治而立東部都尉後徙章安

章安即回浦所改之名育追成帝陽朔元年又徙治鄞此由回後徙句

章徙三而漢書注云南部都尉治者誤也元鼎時只有東部之名未分東

南故揚雄解嘲云東南一尉孟康注會稽東部都尉也通典福州下云後分治地爲會稽東南二部都尉其確證也吳志孫亮傳宋書州郡志元和志皆只言東部

東漢

後漢書郡國志章安故治閩越地光武更名注引晉元康記曰本鄞縣南之回浦鄉章帝章和元年立又云永甯永和三年以章安縣東甌鄉爲縣案回浦舊縣更名爲章安必在章帝章和年間非在光武時猶永甯新縣實創于順帝之永和耳

三國志王朗傳與孫策戰敗績浮海至東冶注引獻帝春秋曰孫策率軍如閩越討朗朗欲走交州又虞翻傳王朗敗績亡走浮海翻追隨營護到東部侯官又賀齊傳建安元年王朗犇東冶侯官長商升爲朗起兵又云侯官既平而建安漢興南平太平寰宇記孫策稱會稽守置南平縣復亂齊進兵建安立都尉府是歲建安八年也又云十年轉討上饒分以爲建平縣案今建陽地

案東冶與侯官實二而一東冶本治縣舊名本閩越統名後改稱侯官

亦稱東部侯官故侯官有縣長而東治無之不然何王朗所奔者東治東治之長始終無聞獨侯官長爲之起兵乎朗所奔者東治虞翻營護之不云到東治而云到侯官乎後商升張雅詹彊敗降相繼不云東治平而但云侯官平乎後漢書鄭弘傳交阯七郡貢獻皆從東治汎海而至又東夷傳倭在會稽東治之東又云東治縣人入海遭風三國志孫策傳屠東治何不云從侯官在侯官之東侯官縣人屠侯官可知東治其舊名統名侯官其後起之名實二而一也其呂岱傳言會稽東治五縣賊作亂者事在建安十五年已有建平五縣係指侯官建安漢興南平建平也東治其統名不數在五縣之內本改稱東部侯官既於建安分立都尉府於是始駐南部都尉蓋建安元年孫策遣永寧長韓晏領南部都尉其時已有南部之名但尚未駐建安耳

又案賀齊傳言侯官既平而建安三縣復反是未立都尉府以前三縣無所統屬也又此時上饒不屬東治故建安漢興南平建平四縣均與

東侯官並載焉

又案後漢書地理志有東部侯國卽東部侯官之譌晉書地理志漢武帝後東治更名東城後漢改爲侯官都尉卽南部都尉之譌蓋韓晏賀齊領南部都尉時實討平商升於侯官也

吳

三國志孫休傳永安三年以會稽南郡爲建安郡元和郡縣志漢興縣吳永安三年改曰吳興將樂縣永安三年置邵武縣本漢治縣地吳于此立昭武縣八閩通志吳永安三年以建安爲建安郡

案文士傳言鄭胄守建安權召還搜神記言吳先主時有陸敬叔守建

安或權時已置郡而旋裁休時又置歟八閩通志云永安三年增置建

平東平

今松溪縣

將樂昭武

今邵武府

東安

今泉州府同安南安地

凡領九縣然建平置於

建安十年非吳增置所謂九縣者只有六縣益以建安侯官尙少一縣
寰宇記數九縣有建寧延平無建平東平亦少一縣且建寧延平皆未

南平餘跡晉武帝時爲延平縣乃於邵武縣下又言建安元年孫策稱
會稽守置南平縣吳景帝三年改南平爲昭武是自相違異矣攷名勝
志孫策以南平所屬之烏阪爲昭武鎮後升爲縣是不過分南平之一
地爲昭武非全改也自以南平足九縣之數

晉

晉書地理志吳置建安郡統縣七建安吳興東平建陽將樂邵武延平及
晉平吳分建安立晉安郡又云太康三年置統縣八原豐新羅宛平同安
侯官羅江晉安温麻

案建安七縣皆置自吳而稱名皆從晉代建陽係建平改名邵武昭武
所改延平南平所改原豐詳閩縣下新羅詳汀州府龍巖州下宛平詳
延平府下羅江詳羅源縣下晉安詳南安縣下温麻詳連江縣下

宋

宋書州郡志建安太守領縣七吳興將樂邵武建陽綏城沙村晉安太守領縣五侯官原豐晉安羅江溫麻三山志引舊記云宋元嘉間改晉安爲昌國宋書明帝紀泰始四年改晉安爲晉平郡州郡志義安太守晉義熙九年分東官立領縣綏安

案改昌國不見宋志且與宋紀抵觸如元嘉已改昌國泰始又何晉安之可改乎建安七縣而列名只有六其一殆卽建安七下注疑字未詳也

齊

南齊書州郡志江州建安郡吳興建安將樂邵武建陽綏城沙村晉安郡侯官羅江原豐晉安溫麻又云廣州義安郡綏安

梁

三山志天監中置南安郡注云以晉安縣地置又云普通六年以晉安建安南安三郡屬東揚州閩書南安郡今興泉漳地

案晉安建安南安皆全郡在福建境義安仍只郡治之綏安一縣在耳

陳

三山志永定初升晉安郡爲閩州領晉安建安南安三郡始爲刺史治所
陳書世祖紀天嘉三年六月以會稽東揚臨海永嘉新安新寧晉安建安
八郡置東揚州三山志六年罷閩州還屬東揚州陳書廢帝紀光大二年
四月割東揚州晉安郡爲豐州輿地紀勝光大元年置豐州又置南安郡
案梁志言閩州領三郡而陳書屬東揚州者止二郡蓋廢南安郡也屬
東揚州者二郡而廢帝紀割爲豐州止一郡蓋言改首郡爲州省言屬
郡也至陳書天嘉三年事梁志在六年置豐州在光大初而天嘉二年
陳慧紀已除豐州刺史見本傳必有誤

隋

隋書地理志建安郡陳豐州平陳改曰泉州今福州大業初改閩州統縣四

閩建安南安龍溪併蘭水綏安入焉輿地廣記同三山志開皇九年陳平改

州爲泉州廢建安南安二郡來屬元和志大業二年改爲閩州三年改爲建安郡三山志同注有治閩縣三字

唐

三山志武德元年改建安郡爲建州四年移建州於建安元和志武德六年改建安郡爲泉州此今福州八年置都督府景雲二年又爲閩州開元十三年改爲福州都督府兼置經略使仍自嶺南道割屬江南東道又云漳州垂拱二年析龍溪置久視元年置武榮州景雲二年改泉州汀州開元二十一年奏置寰宇記泉州今福州武德八年又爲豐州并置都督府舊唐書隋建安郡之閩縣貞觀初置泉州景雲二年改閩州置都督府督泉建漳潮五州開元十三年改福州二十二年罷漳潮二州令督福建泉汀四州天寶初屬江南東道尋改長樂郡乾元元年復爲福州都督府新唐書方鎮表天寶元年復領漳潮十載漳潮復隸嶺南道三山志同通典江南東道長樂清源建安臨汀漳浦潮陽六郡治平志袁鼂反陷台温明三州李承昭

福建地理志沿革上

破之遂以温州來屬八閩志寶應元年温州來屬未幾歸越州三山志乾
寧三年升福州爲威武軍

案李志只言八年置都督府不言何州然唐會要言改豐州樂記言改
豐州升置都督府皆在八年則李志之都督府爲豐州都督府無疑特
漏去豐州二字耳惟樂記既於福州下言武德八年升都督府之豐州
又於南安縣下言武德五年置豐州貞觀初廢莆田縣下言武德五年
置屬豐州州廢屬泉州是同時有兩豐州斷無是理細攷兩豐州皆廢
於貞觀初年實一豐州兩處五年皆八年之譌耳又武榮州初置於聖
曆元和志略之耳旋廢又置則請於久視元年成於次年也又案新唐
書方鎮表開元二十一年置經略使領福建泉漳潮與李志樂記作十
三年者異二十二年增汀州以漳潮隸嶺南道與樂記作二十三年者
小異今從其書之在前者又案舊唐書地理志言舊屬嶺南道三山志
言貞觀初隸嶺南道與元和志合閩中記三山志八天寶二年潮州歸

閩志均引

嶺南三山志非之二年當係十載之誤三山志謂上元元年領州六福
泉建汀漳外舊記以爲温州八閩志以爲潮州未詳孰是

五代

三山志梁貞明六年升福州爲大都督府唐天成四年王延翰建大閩國
長興四年王延鈞僭號升福州爲長樂府晉天福八年王延政僭號於建
州國號殷以將樂縣爲鏞州延平鎮爲鐔州開運二年以福州爲東都領
州七屬廣順元年改爲彰武軍馬令南唐書保大三年升建州爲永安軍
俄改忠義以延平津立劍州通鑑開運三年唐主詔改漳州爲南州輿地
廣記汀州石晉時附南唐後改南州五代史職方考建汀劍漳泉屬南唐
福屬吳越五代史閩世家乾祐元年陞泉州爲清源軍

案東都續通志作南都寰宇記謂保大六年始升延平軍爲劍州今不
從蓋保大三年陳誨已爲劍州刺史也南州爲漳州改名宋乾德四年
始復名漳州廣記乃謂汀州改南州是兩南州矣然宋朝事實言乾德

四年復以爲汀州注南唐改南州則汀州必經或降或省就近屬於南
州州故其後亦同年復舊廣記改字下當有脫字事實遂誤以爲改
耳建汀劍漳泉五州屬南唐書皆開運二年事福州屬吳越據
吳越備史天福十二年事

宋

九域志福州長樂郡威武軍節度周改彰武軍皇朝太平興國二年復舊
又福建路太平興國二亦作元年爲兩浙西南路雍熙二年改福建路寰宇

記南劍州劍浦郡太平興國四年以西有劍州故名泉州清源郡皇朝爲平海

軍節度漳州漳浦郡汀州臨汀郡興化軍太平興國四年置建州建安郡邵武軍

太平興國五年置宋史地理志建州端拱元年升爲建寧軍節度紹興二

十三年以孝宗舊邸升建寧府三朝政要德祐二年五月益王登極於福

州升福州爲福安府

元

元史地理志江浙等處行中書省治於杭江南諸道行御史臺福建道宣慰

使司都元帥府大德元年立福建閩海道肅政廉訪司案以上各職監福建諸路者福州路

建寧路泉州路興化路邵武路宋南劍州至元十五年升南劍路後改延

平路據續通志汀州路漳州路成宗本紀大德二年二月改泉州為泉寧

府續文獻通攷福寧州宋長溪縣元更名升為州福清州宋縣元貞初升

州元史順帝紀至正二十一年明兵取邵武路時邵武建寧延平福州興

化泉漳汀潮諸路皆陳有定所據

天下郡國利病書澎湖一島在漳泉遠洋之外鄰界東蕃元隸以六巡司

司各有營方輿紀要至元末置巡司於此東西約十五里南北約二十里

三十六島巨細相閒有七澳

明

明史地理志洪武二年仍置福建等處行中書省九年改為承宣布政使

司領府八福州府太祖吳元年為府興化建寧延平汀州邵武泉州漳州

島嶼地理志沿革上

均洪武元年爲府福寧州洪武二年降縣成化九年升州直隸布政司明
季裨史以丙戌爲隆武元年改福州府爲福京更名天興府賜姓始末丙
申改廈門爲思明州三藩紀事本末廈門者中左所也大明一統志置福
建都指揮使司領一十一衛又置福建行都司領五衛及將樂守禦千戶
所函史福建分道四領府八州一福寧道領府三福州府興化府泉州府
武平道領府二邵武府延平府建寧道領府一建寧府漳南道領府二汀
州府漳州府領州一福寧州

大清一統志臺灣自古不通中國名曰東蕃明天啟中爲紅毛荷蘭人所

據詳臺灣府志清順治七年鄭芝龍子成功詳明列傳自江南敗歸取臺

地舟至鹿耳門乘大霧進荷蘭不敵遁去成功入據之改臺灣爲安平鎮

赤嵌爲承天府總名曰東都設縣二曰天興曰萬年成功死子經改東都

爲東寧二縣爲二州設安撫司三南北路澎湖各一方輿紀要海中三山

澎湖其一耳東則海壇西則南澳

清

乾隆府廳州縣圖志福州府衝繁為總督浙江福建部院巡撫部院及布

政司按察司治所鎮守將軍領滿州駐防兵兼督關務及糧儲道鹽法道

並駐此興化府衝繁泉州府衝繁漳州府衝繁延平府衝繁邵武府

衝繁汀州府衝繁福寧府衝繁雍正十二年升州為府臺灣府衝繁康熙二十

二年討平鄭錦改置屬福建布政使司分巡臺灣道兼理學政駐此淡水

同知駐竹塹通判駐澎湖永春州衝繁雍正十二年升縣為州直隸布政使

司龍巖州衝繁雍正十二年縣升為直隸州

福建地理志卷二

沿革中 名郡沿革表附

福州府 領閩縣侯官長樂福清連江羅源古田屏南閩清永福十縣屬寧福道海防同知駐南臺

漢初為閩越國都曰東冶亦但稱冶武帝後為冶縣置會稽東部都尉以屬之東漢為東部侯官亦簡稱東侯官又為侯官縣改設南部都尉以屬之吳改立建安郡置典船校尉主謫徙之人作船於此晉太康三年分為

晉安郡統縣八原豐今閩縣新羅今汀州宛平今福州延平同安侯官羅江今羅源

德晉安今南安溫麻今連江宋領縣五侯官原豐晉安羅江溫麻泰始四年

改為晉平郡尋復故齊仍宋舊梁天監中析晉安縣地為南安郡陳永定

初升晉安郡為閩州廢帝改為豐州隋大業二年改為泉州因泉山為名

詳名山志三年改為建安郡統縣四閩建安南安龍溪時閩地准有一郡

也唐武德元年改建州六年改泉州領閩侯官長樂連江長溪今福州五縣

八年改豐州置都督府貞觀初又改泉州聖曆二年增置萬安縣景雲二

年又改閩州開元十三年改為福州都督府因州西北福山為名或謂取

華鄉環福地出鄉環記偽書不足據也二十九年增置古田尤溪天寶初改為長樂郡取州

東六里長樂山為名改萬安縣為福唐乾元元年復為福州都督府永泰

中增置永泰今永貞元中增置梅溪今閩乾寧三年升威武軍後唐天成

元年王延翰建大閩國長興四年王延鈞升為長樂府是歲增置永貞今

源寧德德化後晉時閩為東都後漢乾祐元年析尤溪隸劍州二年析德

化隸泉州後周改彰武軍宋初為長樂郡州仍舊名增置懷安縣詳閩

祐中增置福安景炎元年升福州為福安府元改福州路領司一曰錄事

司州二曰福清以福清縣升曰福寧以長溪縣升以寧德福安二縣隸之

縣九閩侯官皆倚郭懷安古田閩清長樂連江羅源永福明州縣悉仍元

舊惟洪武二年改福寧為縣與寧德福安同隸福州成化九年復舊萬曆

八年省懷安清悉仍舊惟雍正閒析古田地增置屏南史記東越列傳漢

虞郡傳賀齊傳晉書地理志宋書齊書州郡志宋書明帝本紀隋書地理志

志元和志唐書地理志寰宇記三山志輿地廣記宋史瀛國公紀元史地

地理志閩書明史地理志大清一統志

案樂記言東晉南渡衣冠士族多萃其地以求安堵因立晉安郡然據晉志晉安郡實分於太康三年樂志誤矣且樂志建州下言吳以建安等九縣為建安郡晉廢郡以舊屬邑隸晉安郡今福州也東晉郡安又立之是謂晉安郡先立於東晉之前矣何以又自相違異耶蓋衣冠士族來求安堵實於東晉之時適在晉安之地故附會其說耳

興化府

領莆田仙遊二縣屬興泉永道分防通判駐滄海

本陳時莆田縣之地至宋太平興國四年析泉州游洋百丈二鎮地六里莆田地二里置興化縣建太平軍領之尋更名興化軍蓋太宗念洞地之險欲以德化之也五年並以莆田仙遊福清三縣來屬八年轉運使楊克讓以游洋地不當要衝請移治莆田並還福清於福州宋末改興安州元為興化路領縣仍舊明初為興化府縣仍舊正統十三年省興化縣清因

之

隋書地理志寰宇記九域志輿地廣記宋史地理志八閩通志弘治興化府志閩書

泉州府

領晉江南南安惠安溪同安五縣及馬巷一廳分巡興泉永道及分防同知並駐廈門通判二一駐龍江一即馬巷

泉州本今福州之名

詳福州府沿革下

今泉州本南安縣也

詳南安縣下

唐聖曆二年

始分泉州

今福

之莆田南安龍溪三縣置武榮州治南安又析莆田增置

清源縣隸之久視元年州廢各縣還泉州

今福

南安縣人孫師業訃稱赴

州遙遠明年又於南安縣東北界置武榮州仍領四縣景雲二年改為泉

州即今治是也命名取州北主山清源山有孔泉一名泉山也開元八年

析南安地置晉江二十九年割龍溪入漳州天寶元年改為清源郡乾元

元年復為泉州上元元年隸福州節度大曆六年隸福州都團練觀察處

置使乾寧三年屬威武軍五代時仍領四縣惟清源改名仙遊漸增置同

安德化永春清溪

後改安溪

長泰五縣後晉開運二年屬南唐既而留從效據

之後漢乾祐二年南唐升為清源軍既復為陳洪進所奪宋乾德二年改

為平海軍太平興國三年復為州屬威武軍五年以莆田仙遊屬興化軍

以長泰屬漳州六年析晉江置惠安元至元十五年升泉州路總管府領

縣同宋大德二年改為泉寧府明洪武元年仍為泉州領縣同元清雍正

十二年升永春為州直隸布政使司以德化縣屬之元和志象宇記新舊唐書地理志八閩志

續通鑑長編元史明史地理志閩書大清一統志

漳州府領龍溪漳浦南靖長泰平和詔安海澄七縣及雲霄一屬分巡汀漳龍道駐此海防同知駐南靖通判駐石馬鎮

漳州本古泉州今福州地梁天監中屬南安郡陳分置龍溪縣其後廢置從

泉州亦指今福州唐總章二年泉潮閩蠻獠嘯亂高宗勅陳政統嶺南行

軍總管事出鎮綏安此潮州之綏安在龍溪南界非邵武之綏安故地進心雲霄未幾卒子元

光代領父眾討平諸寇盜垂拱二年表請置一州泉潮閩以抗嶺表因析

龍溪西南境置漳州因南有漳水為名並置漳浦懷恩係析故地二縣隸焉

其治在古雲霄鎮開元四年耆民余敬訥等以地多瘴請東徙李灣川漳

浦十二年自州管內割屬閩州二十二年改屬廣州二十八年改屬福州

二十九年省懷恩入漳浦而以泉之龍溪來屬天寶元年改為漳浦郡十

載又改隸嶺南乾元元年復為漳州二年因李澳川有瘴刺史柳少安權

福建也里石沿革中

移州治於龍溪縣大曆上元元年復隸福建十二年析汀州龍巖縣來屬
 貞元二年從觀察使盧杞請敕徙龍溪唐末五代為王氏有後晉開運三
 年以刺史董思安父名章改名南州宋乾德四年復為漳州太平興國三
 年屬威武軍五年析長泰縣來屬雍熙二年屬福建路元至元十五年改
 為漳州路隸福建行省至治中析龍溪漳浦龍巖地置南勝縣八年立漳
 州分元帥府十六年改南勝為南靖明洪武元年改為漳州府成化六年
 析龍巖地置漳平正德十二年析南靖地置平和嘉靖八年析漳浦地置
 詔安四十四年析龍巖及延平府大田永安地置寧洋隆慶元年析龍溪
 漳浦地置海澄清雍正十二年升龍巖為州割漳平寧洋隸焉至雲霄一
 廳則嘉慶三年移南勝捕盜同知以為雲霄撫民同知割漳浦平和詔安
 五十二保地歸之閩粵南澳同知則別治南澳島

元志實字記新舊唐書地理志通鑑八閩志

閩書大清一統志

案閩書本八閩志謂開元二十八年始析漳浦置懷恩新唐志則云垂

拱二年與漳浦並置今從歐志移州治於龍溪輿地紀勝八閩志作貞

元二年元和志新唐書作乾元二年元和志有權移二字蓋乾元暫移

貞元乃確定也復為漳州閩書作乾元二年寰宇記作元年今從樂記

延平府

領南平順昌將樂沙縣尤溪永安六縣分巡延建邵道駐此通判駐上洋口

延平各邑著名甚古在越即有將樂詳將樂縣下漢建安元年分侯官北鄉置

南平縣晉析為延平

屬建安郡

宛平

屬晉安郡

始取山川表延宛轉中有平原之意

延平宋太始四年廢隋開皇九年郡

建安郡

亦廢隸泉州

今福州

大業初屬閩

州後屬建安郡唐武德初屬建州三年置延平軍仍屬建州五代時王審

知改為延平鎮子延翰改為永平鎮王延政僭號以為龍津縣尋置鐔州

後唐開運二年南唐兵拔鐔州復以為延平軍制置鎮其年九月以延平

津立劍州以建州之劍浦汀州之沙縣隸焉後漢乾祐元年復以順昌縣

及福之尤溪來屬宋太平興國四年因利州路亦有劍州別名曰南劍州

治劍浦而以建州之將樂縣屬焉雍熙二年隸福建路元至元十五年升

福建也里示沿革中

通志二十三

南劍路大德六年改延平路隸福建行中書省其後改隸不一改劍浦為南平明洪武元年改為府景泰三年析沙尤二縣地增置永安縣嘉靖十四年析尤溪永安地增置大田縣清因之雍正十二年以大田屬永春州案寰宇志引建安記晉書地理志輿地紀勝八閩通志馬陸南唐書九域志宋史地理志國書大清一統志

案寰宇記武德三年置延平軍而唐使者王義童下泉睦建三州尚在武德五年三字或五字之誤否則如泉州陳洪進尚未納土而宋已改為平海軍五代史言保大四年分延平劍浦富沙三縣置劍州延平劍浦雖二地而延平非縣富沙當沙縣之誤非縣且非保大四年事今不從惟

范祖禹為王端作其曾祖王延嗣傳云李景滅閩以富沙延平劍浦三縣為劍州說必有據或暫設而旋廢歟至閩書言上元元年已改劍州他書絕無可證

建寧府領建安甌寧建陽崇安浦城政和松溪七縣屬延建邵道

本建安郡地吳永安三年以會稽南部都尉為建安郡以建安將樂邵武

建平吳興南平東平東安侯官等九縣屬之晉分爲建安晉安二郡建郡

統縣七曰建安今建甌吳興今浦城東平今松溪建陽今本縣將樂武莚平隆安

三年析將樂西鄉置綏安縣宋齊梁皆以封子弟爲王陳屬閩州後又屬

豐州隋開皇十年罷郡爲縣屬泉州隋亂建安縣人擁衆自保唐武德四

年歸附遂置建州領建安唐興建陽沙縣將樂綏城綏安所改等七年增邵武

貞觀三年省綏城入邵武天寶元年改郡乾元元年復爲州隸福州都督

府乾符五當作六年年州治爲黃巢所燬中和四年寓治建陽後晉天福六

年閩王氏改爲鎮安軍旋改鎮武軍南唐改永安軍又改忠義軍置歸化

建寧二縣宋太平興國四年析將樂屬南劍州五年升邵武爲軍而以歸

化建寧屬焉端拱元年改建寧軍治建安縣淳化五年升崇安場爲崇安

縣咸平三年升關隸鎮爲縣政和開改政和治平三年析建安建陽浦城

地置甌寧紹興三十二年以孝宗舊邸升府張棟記云紹興六年今上皇

晉安郡王進封建王又二年立爲皇太子縣七建安浦城嘉禾本建陽縣

遙卽皇帝位詔下本州議陞爲建寧府景定元年置建也里志沿革中

改松溪崇安政和甌寧監一豐國元改建寧路屬縣仍舊惟復嘉禾為建

陽明改為府增壽寧縣清仍舊惟割壽寧隸福寧府三國志晉書地理志宋書州郡志通典元

和志寰宇記九域志舊唐書地理志輿地廣記八閩志宋史明史地理志大清一統志

邵武府領邵武光澤泰寧建寧四縣屬延建邵道

邵武軍本建州邵武縣地宋太平興國五年以邵武縣戶口繁會路當要

衝從轉運司奏請於縣置軍同下州治本縣並割建州之歸化建寧二縣

來屬六年析邵武二鄉為光澤縣元祐元年改歸化為泰寧元升邵武路

明改邵武府以分巡武平道駐之清因之惟裁武平道而選領於延建邵

道寰宇記九域志宋史地理志八閩通志大清一統志

汀州府領長汀寧化清流歸化連城上杭武平永定八縣屬汀漳龍道

汀州本晉新羅縣之地從南平西宋齊梁陳隋皆省唐開元二十一年福

州長史唐循忠於潮州北廣州東福州西光或九龍洞檢責意得諸州

避役百姓共三千餘戶奏置因長汀溪以為名或謂天下之水皆東惟汀

水獨南南丁位也以水合丁爲汀故名初治九龍水長汀村

古新羅地命縣三

長汀黃連雜羅二十三年以建州沙縣來屬天寶元年改爲臨汀郡改雜

羅爲龍巖黃連爲寧化乾元元年復爲汀州大曆四年徙治白石

長汀地

二年析龍巖縣歸漳州唐末爲閩王氏所有後晉開運二年入南唐析沙

縣歸劍州三年改本州屬南州宋乾德四年復爲汀州太平興國二年屬

威武軍雍熙二年屬福建路淳化五年升上杭武平二場並爲縣元符元

年析長汀寧化置清流縣紹興二年以蓮城堡爲縣紹定中廢清流縣元

至元十五年升汀州路隸福建行省復清流至正八年立汀州分元帥府

明洪武元年改爲府成化六年以明溪鎮巡簡司置歸化縣十四年析上

杭地置永定縣清仍之

元和志新舊典書地理志寰宇記輿地紀勝輿地廣記宋朝事實宋史元史地理志八閩志閩書明

史地理志名勝志

案開洞置州元和志作開元二十一年通典作二十六年舊唐志作二

十四年開福撫二州山洞置方鎮表作二十二年然李志言寧化置於

二十二年龍巖先置在雜羅口寰宇記謂在武德前唐志並以為開於
二十四年與李志樂記皆不台且與方鎮表自相矛盾其不足據必矣
又二十三年沙縣割屬汀州尚何二十四年二十六年開置之有必二
十一年奏請二十二年三年歲事也大曆四年李承昭為福建觀察使請
移州治見舊書代宗紀寰宇記輿地紀勝以為當作十四年誤紀勝尤
誤李為王十四年觀察使乃絕防又案雜羅或作新羅誤詳龍巖州下

福寧府

領霞浦福鼎福安寧德壽寧五縣屬寧福道

本侯官縣温麻船屯地在晉為温麻縣宋因之隋開皇九年廢屬泉州
州唐武德六年析置長溪縣尋省入連江為寧遠鎮長安二年又割温麻
舊縣北四鄉置長溪縣開元十三年屬福州開成中析縣地並古田縣地
置感德場後唐長興四年閩升場為寧德縣宋淳祐中又析長溪之西鄉
置福安縣元至元二十三年升長溪縣為福寧州取名於所領福安寧德
二縣也屬福州路明洪武二年降為縣屬福州府成化九年仍升為州清

雍正十一年升為府總督王際奏請創建寧府之壽寧縣隸之增置附

郭縣曰霞浦乾隆四年復析霞浦縣地置福鼎縣宋書州郡志元印志舊

地紀勝三山志元史地理志八閩志閩書明史地理志

案元和志謂長溪復置於長安二年稟宇記謂改於天寶元年然薛令

之神龍二年登進士第已稱長溪人

永春州繁難號中州自管本州兼領德化大田二縣屬汀漳龍道

本南安縣地唐長慶二年析南安西界兩鄉置桃林場後唐長興三年升

桃源縣後晉天福七年改名永春取縣有樂山草木四時不變也後歷宋

元明皆屬泉州清雍正十二年升為州直隸行省稟宇記與地紀勝八閩志

案八閩志言隋置桃林場言永春改名自長興皆與樂記不合不從

龍巖州自管本州兼領漳平寧洋二縣屬汀漳龍道繁難號中州

州本晉新羅縣苦草鎮地唐武德以前於雜羅口置雜羅縣後屬汀州天

寶元年改龍巖縣以縣有龍巖山大曆十二年皇甫政奏改隸漳州宋

元因之明成化開析置漳平縣隆慶元年析置寧洋縣清雍正十一年升

為州直隸於省元和志畧宇記八閩志閩書

案雜羅置縣元和志不言時代寰宇記謂在武德前舊唐志乃以為開

元二十四年開山洞置殆合於二十四年開福撫二州山洞置汀州治

新羅而誤也然新羅自新羅雜羅自雜羅新羅乃汀州統名雜羅為龍

巖專名李志樂記龍巖下皆稱雜羅雜必非新字之誤樂記汀州長汀

下之雜羅則當作新羅涉於龍巖條而誤耳牛肅紀聞樂記本多誤也

福建地理志卷三

沿革下 各縣沿革表附

閩縣 附省會郭左偏衝繁疲
難號最要縣懷安縣附

本漢治縣地屬會稽郡後漢稱侯官稱東部侯官吳為廷安郡置典農尉尉晉改為晉安郡移建安郡於建安縣治太康三年書與船校尉立原豐縣以為郡治宋齊因之後改東侯官省侯官入焉隋開皇九年仍改原豐十二年更今名唐因之後唐長興四年改為長樂三年仍舊後晉天福六年又為長樂旋仍舊宋太平興國七年割敦業等九鄉置懷安縣本縣仍為福州治元為福州路治明清為福州府治皆仍舊名

郡志隋書地理志元和志三
山志輿地廣記察宇記閩書

晉書地理志宋書州郡志南齊書州

懷安縣初治芋原江北宋咸平二年轉運使丁謂奏移石岵在州城西北二十五里元至元二十二年遷治於縣西尋復舊明洪武十二年以縣治

逼大江移郭內府治之北與閩侯官同治萬曆八年併入侯官縣

八閩志
明史地

福建地理志沿革下

理志方輿紀要

案閩縣閩州命名沿閩中閩越之說詳辯在全省沿革中東部侯官見

三國志虞翻傳元和志三山志注言東侯官當係東部侯官之簡稱

侯官縣附省會郭右偏衝繁疲難號最要縣

本漢東冶地後漢時亦稱東部侯官侯官都尉然商升為侯官長侯官曰

縣名矣至晉立晉安郡統縣八侯官居八縣之一太康三年與原豐並為

晉安郡治宋齊因之後併入東侯官隋開皇九年改東侯官曰原豐唐武

德六年復置侯官與閩縣分治郭下八年省長安二年析閩縣西十二鄉

復置逼臨江滸貞元五年洪水漂沒八年遷入州郭故址名侯官市元和

三年併入閩縣舊地置場官五年復置五代閩龍啟元年改為閩興以長

樂為侯官三年復舊宋元明因之萬曆七年併懷安縣入焉清仍之三志後

漢書郡國志晉書地理志宋書齊書州郡志元和志寰宇記輿地廣記三山志唐會要閩書

案郡國志言漢武元鼎六年立都尉居侯官以禦兩越寰宇記據之此

甚誤而不可從者也元鼎五年至六年正揚僕請擊東越餘善發兵反
殺漢二校尉橫海將軍等擊破東越之時武帝何由立都尉使居侯官
既居侯官是東越已服從又何禦之有元封以後越地既虛其民不出
者乃立治縣置東部都尉以屬之律覽引臨海記云立都尉府於侯官
以鎮撫二越殆其時乎元鼎或元封之譌然不可攷矣後漢志有東部
侯國鮪埼亭集謂乃東侯官之誤是也

長樂縣

在福州府治東南
被難號中縣

本隋閩縣地唐武德六年都督王義童析置新寧其年改今名取長安樂
之義上元元年防禦使董玠移治吳航頭爲舊吳王造戰艦處因號縣吳
航元初二年觀察使陸初併入福唐五年復置五代閩龍啟元年改爲侯
官三年復舊永隆三年改安昌明年復舊以後皆因之元和志舊唐書地理志
纂字記九城志唐會要三山志八閩通志閩書

案福州改名長樂郡在天寶初則縣名非隨本管郡名也吳航之名八

閩志謂係吳王夫差造艦於此閩書謂係吳王濞造艦方輿紀要謂吳越兵入泊舟於此然皆荒遠無徵惟孫吳置典船校尉見宋書州郡志元和志較切事情又改名安昌三山志八閩志雍正道光通志乾隆府志皆以屬永隆三年十國春秋方輿紀要以爲在乾化初獨乾隆續通志兩取其說今只從其朔

福清縣 在福州府治南少東衝繁疲難說最要縣附平潭廳

本長樂縣地唐聖曆二年析其南八鄉置萬安縣卽因八鄉中之萬安鄉爲名天寶元年改名福唐後梁開平二年改名永昌後唐同光元年復爲福唐長興四年改爲福清以山自永福里來水自清源里來會於治所故名後晉天福初改南臺縣或曰舊治永慶里天福間徙南臺今日臺嶺非之南臺亦非臺嶺宋太平興國五年改屬興化軍八年復改隸福州又岸邊之望北臺嶺遷今治元元貞元年升福清州明洪武二年仍降福清縣清仍之元和志九域志三山志八閩志元史地理志閩都記閩書明史地理志

平潭廳為平潭同知駐治地本福清太平鄉之海壇島在縣東南一百二十里大海中其山如壇又以其有嵐氣往來名東嵐山衡嶽而從百餘里唐牧馬地宋初置牧馬監以駕驛罷皇祐中許漁民耕墾其山南曰黃峭紫闌牧上皆頭沈頭大小鰲網為三十六派湖環密如補陀其東高者曰軍山分海上海下二里四五六七四都港灣為觀音寮等

尚書乾隆福清縣志

案福唐之名出於唐自同漢興吳興唐興等命意而梁改永昌若故犯後唐祖諱李國昌閩復福唐又適犯石敬瑭嫌名之諱有謂遙改南臺以避之者而閩王僭號已忌福唐之名改為福清矣

連江縣

在府治東少北疲難號中縣

本漢治縣地吳為溫麻船屯晉太康四年改立溫麻縣隋開皇閩省入閩縣唐武德六年都督王義童析置於連江之北改為連江縣是以江名為縣名其以為縣治連接江水故名者非也五代迄清皆因之

宋書州郡志元和志三山

志九域志

八閩志

福建通志卷之四 沿革下

案立晉安郡在太康二年後一年立溫麻縣亦無不可

羅源縣

在福州府東北衝號簡縣

在吳為羅江縣屬臨海郡在晉仍其名為晉安郡八屬之一歷宋齊梁陳至隋裁省唐大中元年觀察使韋岫請割連江一鄉為羅源場咸通二年又分閩縣地以益之號承貞鎮後唐長興四年閩升為永貞縣宋天禧五年改為永昌避皇太子諱乾興元年改今名羅水名古名羅江今名羅初治水陸寺西雙溪之閉慶曆八年士民陳治律倪昱等以地卑潦官物陷湖即配富民償擊登聞鼓奏理之乃移治於舊縣東北元明清仍之晉書地理志三

山志八閩志簡書

案晉書地理志羅江為晉安郡屬縣未詳其地惟八閩志自注云疑即今羅源縣王捷南閩中沿革表駁之云宋書州郡志羅江吳屬臨海台州晉立晉安郡始度屬凡度者必地有隔而屬非即羅源云云不知度屬者非必與郡懸隔宋志每言度屬若武進今常度屬南東海南東海

治岷西今丹徒地他如柴桑由豫章度尋陽沙陽出武昌度江夏蒲圻
由長沙度巴陵類非懸隔攷郭璞山海經注云羅江有霍山三山
志云寧德有霍山鄉並有霍口溪可知羅江實在寧德羅源與寧德相連
羅江必源出羅源縣今羅川是矣古者地曠人稀郡縣之相屬或隔千
百里吳時未有晉安郡故羅江初屬臨海晉立晉安郡故改屬晉安由
遠漸移近也若本近臨海何為轉遠移以屬晉安乎魏本唐東越沿革
表嘗詳之

閩清縣

在福州府西北不銜不
緊不疲不難號簡縣

唐貞元閩觀察使王奭奏析侯官西鄉十里置梅溪場在梅溪南里許去
郡百二十里尋升為梅溪縣後省移就梅溪場後復改置縣名梅清舊唐書作

清當是後梁乾化元年王審知以梅溪與大江會江濁而溪清名閩清水

因改為閩清縣宋元明清仍舊

案字記三山志舊唐書閩都記閩
書西峯字說乾隆府屬州縣志

案貞元案字記作貞觀徐絳記作元和但舊唐書地理志福州縣九最

末為梅青並云新置元和志叙福州九縣皆循年代有尤溪而不及梅

溪其置場置場後非在貞觀可知

永福縣在福州府西南

本侯官尤溪二縣地唐永泰二年觀察使李承昭開二縣山洞置以年號

為縣名相傳東晉永嘉之亂渡江衣冠士族多依於此以求安泰縣東水

路沿流至侯官縣西泝流至南安今德化地其時屬南安南北俱抵大山無行路宋

崇寧元年以避哲宗陵名改今名升為望縣元明因之元和志象字三山志宋史地理志

八閩志

案新唐書地理志云咸通二年析連江及閩置誤閩縣連江與永麻地

不相連且縣名取永泰年號何得屬諸感通乎

古田縣在福州府西北

本侯官縣山洞唐開元二十八年洞民劉強輩向化都督李亞邱以聞明

年始置縣與連江接界與沙縣分界名曰古田舊傳人民林溢等將古昔

田畝墾闢而居因著之名或謂因縣治臨於古田溪之故縣處環峰複峙
開平陸一一作十五里宋太平興國初轉運使楊克讓奏遷邑治於水口

端拱元年轉運使崔策復舊治元明因之清雍正朔析縣北境置屏南新

邑元和志闕中記三山志李堪古田
縣記閩都記閩書乾隆府廳縣志

屏南縣在福州府北畧西繁難號中縣

清雍正十二年總督郝玉麟割古田縣橫溪新俗移風三望地奏立本縣
築城於雙溪轄都一十有六分古田縣自十九都至三十六都內二十一

都三十都仍隸古田道光通志

莆田縣附興化府郭衝繁疲難號最要縣與化縣附

本南安縣地陳廢帝光大二年分置莆田入海之港本稱莆口陳天嘉五
年陳寶應戰敗逃至莆口是也或謂田多蒲縣又多水因去六從莆以命

縣名其實蒲莆本通用也隋開皇十年廢唐武德六年復置貞觀初隸泉

州今福聖曆二年析莆田地增置清源縣並屬武榮州今泉五季初屬王

福建也里云沿革下

通志一十四

氏後屬留從效又屬陳洪進宋乾德初屬平海軍詳泉州府下太平興國五年

屬興化軍旋為軍治詳興化府下宋末為興安州治元為興化路倚郭縣明清

皆為興化府治元和志元興化府志陳書世祖紀各勝志宋史地理志興化府志興化地廣記閩書

興化縣隨興化軍所置詳興化府下太平興國八年後改為支邑在軍北七十

里三鄉元皇慶二年縣令以縣負山地僻人稀廣業里民藝地坦乃徙湘

溪為新縣日游洋為舊縣明正統十三年邑人何誠蕭敏請奏省之乃析

西南鄉地入莆田為廣業里西北鄉地入仙遊為興泰里寰宇記九域志

志莆田縣志閩書道光舊志

仙遊縣在興化府西南難號簡縣

唐聖曆二年析莆田西界於今縣北十五里置清源縣天寶元年別駕趙

願貞以縣與郡同名時隸清源郡不便奏改為仙遊移於今治取縣西三十里

仙遊山為名乾元改元後郡復為州隸泉州歷五季迄宋初仍隸清源軍

平海軍太平興國五年興化軍立乃移屬焉元仍宋舊明清因之元和志九域志

案寰宇記謂縣在大飛山前五里指清源之故治言也

晉江縣

附泉州府郭衝繁
疲難號最要縣

唐開元六年泉州刺史馮仁和緣州郭無縣請祈南安縣東地置之八年

乃成在晉江之北故名五季洎宋元明清皆仍舊

元和志舊唐書地理
志輿地廣記閩書

案輿地紀勝輿地廣記均以爲州治本在南安縣析置晉江乃自南安

徙往不用元和志之說不知置州凡兩次聖曆二年之置係治南安久

視元年之置實在南安縣東北界背倚清源山故附益以南安縣東之

地成晉江一縣而縣治乃與州治同城事勢甚明紀勝廣記之說不足

據也

南安縣

在泉州府西繁
疲難號要縣

在吳爲東安縣在晉爲晉安縣梁置南安郡陳立南安縣因郡名爲縣

也或謂因縣南安江以爲名然境內之水未聞有名安江者隋平陳郡廢

留縣改屬泉州今福州後改唐貞觀初仍屬泉州今福州聖曆二年為武榮

州倚郭之邑州廢復立移治晉江詳晉江縣下南安四境本廣既析東境為晉

江而同安安溪永春皆於唐及五季時析出歷閩南唐以迄宋元明清皆

仍其舊宋書州郡志元和志纂宇記新唐書地理志輿地廣記八閩志閩書

案隋志謂南安舊曰晉安置南安郡平陳郡廢縣改名焉故舊唐書以

南安為隋縣然元和志謂立縣自陳李吉甫非不見隋書者不從之必

有所據

惠安縣在泉州府東北衝疲難號要縣

本晉江縣北鄉宋太平興國六年析置元明清因之寰宇記元史明史地理志

案輿地紀勝輿地廣記均作淳化五年析置

安溪縣在泉州府西少北疲難號中縣

本隋南安縣地唐咸通五年析南安西界兩鄉置小溪場後周顯德二年

詹敦仁監小溪場啟於清源節度使留從效始立為清溪縣宋宣和三年

改為安溪縣志謂溪流清瑩順下如駛故曰安元明清仍之案字記

案八閩志作太平興國五年改名安溪

同安縣在泉州府西南衛繁疲難號最要縣

同安縣名首見於晉志太康三年隨郡置為晉安旁邑後省隋為南安縣地唐貞元十九年析南安四鄉置太同場後晉天福四年升為同安縣宋元仍舊明洪武末西南置守禦金門千戶所又有永寧中左千戶所在嘉禾嶼即廈門清有金門廳廈門廳乾隆四十年移金門通判改駐馬巷設

馬巷廳案字記閩書明史地理志同安縣志

馬巷廳在泉州府西南號要廳

清乾隆三十九年以同安一縣邊海要區其延袤至三百七十餘里四十年移金門通判改駐馬家巷割同安縣東同禾里民安里及翔風全里設

馬巷廳同安縣志

龍溪縣附漳州府郭衛繁疲難號最要縣

本南安郡地梁置龍溪縣因龍溪為名九龍山下有九龍水即龍溪也後

屬閩州今福州隋開皇九年屬泉州今福州十二年省蘭水詳南靖下綏安二縣併

入龍溪大業屬建安郡詳福州府下唐聖曆二年屬武榮州詳泉州府下開元二十

九年割屬漳州貞元二年徙州治於此五代宋元仍舊明隆慶元年析一

二三四都至九都屬海澄清因之隋書地理志元和志案字記八閩志閩書

案隋志以為梁置八閩志以為置於天監開閩書以為大同四年因九

龍戲水而置縣命名雍正通志等從之而元和志以為陳置案字記只

述九龍山水之名則龍戲之說不足信也

漳浦縣在漳州府南少西街繁難號要縣

本漢冶縣及南海郡地晉義熙九年分東官郎東立義安郡置綏安縣隋

開皇十二年併入龍溪唐垂拱二年分南界地瀕於漳水者置漳浦隸於

漳州開元四年徙州治李澳川縣徙之二十九年省懷恩縣入焉貞元二

年徙州治龍溪後以漳浦為屬縣宋因之元析地置南靖明析地益海澄

益平利立詔安清析地隸雲霄廳餘仍舊

晉書地理志宋書州郡志元秘志八閩志閩書明史地理志乾

州府志

海澄縣 在漳州府東南號餽縣

本龍溪漳浦二縣地明正德以來惡少通番引寇嘉靖九年巡撫胡璉議

移巡海道鎮漳州置安邊館於海滄二十七年巡海道柯喬議設縣治於

月港未果三十年於月港建靖海館四十二年巡撫譚綸請設海防同知

四十四年知府唐九德議割龍溪一都至九都及二十八都第五圖並漳

浦縣二十三都地仍就月港設縣治巡撫汪道昆巡按王宗載奏請明年

詔允名曰海澄又明年縣治成清仍之

閩書明史地理志

案置縣明史及明政統宗皆作四十五年閩書作隆慶元年始成從之

南靖縣 在漳州府西繁疲號中縣

本龍溪漳浦龍巖三縣地累曾於其境置蘭水縣隋省入龍溪元至治閒

以險遠難控取析三縣地置南勝縣在九圍礮山之東至元三年番寇李

通志也里云沿革下

通志二十四

勝等作亂邑人陳君用平之遂徙治於小溪瑄山之陽至正十六年又徙

雙溪之北改名南靖明止德十一年析二里隸平和縣嘉靖四十五年北

徙大帽山麓萬曆二十二年後還舊治清四之雍正十三年遷居仁里十

五保地於漳浦八閩志國書
明史地理志

長泰縣在漳州府永
北號簡縣

本南安縣武德鄉地唐乾符三年析大同場西界六里置武德場屬泉州

文德元年改為武勝尋改武安後周顯德一年升為長泰縣宋太平興國

五年從轉運司之請改隸漳州元明清因之寰宇記八
閩志國書

案升縣寰宇記作偽唐乙卯歲事八閩志乃以為天福八年事是時閩

地未屬南唐不從

平和縣在漳州府西南
繁疲號中縣

本南靖縣地明正德閒漳平象湖諸處山寇作亂王守仁巡撫南贛汀漳

等處討平之南靖生員張浩然等縣民曾竝立等乞添設縣治乃割南靖

清寧新安二里置縣河頭大洋陂析漳浦地益之名曰平

地理志

詔安縣 在漳州府西南衝繁要縣

本漳浦縣南詔場地宋為臨水驛亦為詔邊巡檢寨元至正開右丞羅良

城之明弘治間廣寇為患置守禦千戶所正德間添設捕盜運判尋廢嘉

靖八年鄉民許仲遠等請設縣明年割漳浦二三四五都 舊設安懷恩地 為縣名

曰詔安清因之 閩書方輿紀要乾隆府縣州志

南平縣 附延平府郭繁難號中縣

本東治五縣之一東漢建安元年孫策稱會稽守置南平縣晉改名延平

屬建安郡宋泰始四年廢自是省入建安歷齊梁陳隋皆仍舊唐及閩王

氏時有廢置 詳延平府下 後晉天福八年以延平鎮為鐸州置龍津縣開運二

年南唐克之析沙縣建安順昌內交溪上陽員當逐咨芹峭富沙等六里

古田縣積善瀨溪兩里為劍浦縣先立延平軍旋立劍州領之宋縣名仍

福建地理志沿革下

舊元大德六年廢劍浦為驛縣改名南平明清因之三國志賀齊傳呂岱傳纂宇記八閩通志

馬陸南

唐書

案纂宇記於邵武縣下言建安元年置南平縣吳景帝三年改為昭武於南劍州下言吳永安二年立南平縣是謂後來之南平非建安所置之南平矣然此說未知所本與他地志皆不合必不可從

順昌縣

在延平府西少北繁難號中縣

吳永安三年割建安縣校鄉地置將樂縣又移置於將水口屬建安郡隋開皇末與綏城縣同併入邵武之南鄉唐武德四年復立貞觀三年又廢東南兩鄉屬建安縣置將水場西北三鄉割屬邵武縣置金泉場嗣聖四年分南鄉將水口為獨科鎮元和五年依舊復將樂縣屬建州景福二年又置將水鎮尋改為永順場閩龍啟元年立為順昌縣縣有順陽洋水有順陽溪所以取名也晉開運二年析出未言歸何州疑非鎮即鎮蓋天福八年王延政以延平鎮為鎮州將

樂為鎮州也乾祐初隸劍州宋熙寧三年割劍浦縣交溪鄉益之元明清因之

案併入邵武寰宇記作開皇九年然據隋志開皇十一年方置邵武則九年當誤又記於景福二年改爲永順場下渾言復立爲順昌縣似卽立於景福間也者於是言人人殊續通典宋志均云景福立縣閩書則以爲漢乾祐元年南唐始置惟三山志言王延鈞僭號改元龍啟升福州爲長樂府領縣十四以建州永順場爲順昌縣咸屬最爲近之考通鑑天福五年王延政敗閩兵乘勝取順昌則順昌必立於天福以前矣

將樂縣

在延平府西
疲號簡縣

越王時校獵之所其地已名將樂建安記云將軍校獵自樂野至于遊臺當卽其所取義有謂合將檢長樂二郵置者吳永安三年析建安之校鄉立將樂縣屬建安郡晉因之隆安二年析縣西鄉爲綏安縣隋開皇九年將樂省入邵武唐武德八年復置元和三年省入建安邵武二縣五年復置隸建州五代王延政升爲鏞州南唐復爲縣仍隸建州宋太平興國四

年自建州割隸劍州元明因之成化八年分中和興善二都置汀州之歸

化縣清因之晉書地理志元和志

案元和志作開皇九年省閩書以為併入邵武邵武亦於是年併入泉

州今福閩書因改九年為十二年然同在九年將樂併於前邵武又併

於後無不可也又元和志作武德八年復而已唐志於八年前後有五

年七年及垂拱四年各廢置而獨無八年今皆不從

沙縣在延平府西南

本古越王屯兵處漢季置南平縣於此吳時為延平縣南鄉地太元四年

廢改為沙戍宋永初開置沙村長屬建安郡隋開皇十六年廢唐武德四

年改置沙縣屬建州因沙邱以為名後省入建安永徽六年復置開元二

十三年改隸汀州乾符後土寇擾亂崇安鎮將鄧光布於中和四年移治

於故縣西北鄉八里楊箕沙縣志作地即今治也後晉末改隸劍州宋元

因之明景泰三年分二十四都至三十二都共九都歸永安縣成化八年

又分十九都歸汀州歸化縣清仍之宋書州郡志元和志纂字

尤溪縣在延平府南繁難號中縣

地本晉延平縣之山洞在龍巖沙縣侯官三縣交界山洞幽深溪灘險峻諸境遊人多投馬關元二十八年經畧使唐修忠以書招伏洞民高伏等千餘戶二十九年置為縣地多尤姓其溪先號尤溪遂為縣名屬福州或以為其先世本姓沈避王審知嫌名改姓尤者誤也永泰初析本縣及侯官地置永泰縣後晉開運二年南唐改為制置鎮又三年割隸劍州其後割進城常平二鄉以益德化宋元仍舊明景泰二年析四十至四十三共四都以益永安嘉靖十四年析三十至四十八共十五都以隸大田清因之元朝志詳字記八閩志詳字記

案大溪志延平府志十國春秋並云縣有沈溪後避閩王諱改作尤然

通典元和志皆已稱尤溪不始於王氏也

永安縣在延平府最西南繁難號中縣

通志地理志沿革下

上

通志二十四

縣本沙縣之浮流溪名巡檢司明正統十四年鄧茂七之亂平置永安千戶

所景泰三年鎮守福建都督范雄侍郎薛希璠巡按御史陳良翰奏請置

縣析沙縣新嶺以南地歸之尤溪寶山以西地益之嘉靖十四年割縣之

十都隸大田隆慶六年又割二十八都二十九都一圖三十都一圖

地隸寧洋清仍之八閩志閩書明史地理志續永安志

建安縣南附建寧府郭東

本漢末建安縣地建安八年置以年號命名故府城在縣東南三百里即

會稽南部都尉理此吳永安三年廢餘詳建寧府下明駐分守建南道分巡建寧

道清不駐分巡元和志

甌寧縣北附建寧府郭西

宋治平三年析建安建陽浦城三縣地置與建安分治郭下取郡有古甌

城命名熙寧三年省元祐四年析建安地之半復置建陽浦城之地不與

焉元明清因之寰宇記輿地廣記八閩志

建陽縣在建寧府北少西衝疲號中縣

本上饒縣地漢建安十年吳賀齊轉討上饒分以為建平縣並新建安縣

舊桐鄉地晉太元四年改為建陽因山之陽為名時方分宜都置建平郡

避同名也隋開皇十年省入建安縣唐武德四年復置八年又省入建安

垂拱四年又置五季皆仍舊宋景定元年縣生嘉禾一本十五穗詔改為

嘉禾縣元復改建陽明清因之三國志元和志寧宇記宋季三朝政要八閩志

案宋州郡志建陽晉太康地志有則非太元始改矣元當康字之誤李

志開皇十年樂記十作九樂記垂拱四年廣記作三年

崇安縣在建寧府西北衝繁號中縣

本建陽地五代時閩析置温嶺鐘南唐保大九年改為崇安場當取名於

崇嶺崇溪宋淳化五年升為縣元明清因之寧宇記輿地廣記八閩志

案樂記武夷山屬建陽縣崇安為建陽地無疑

浦城縣在建寧府東北衝繁號中縣

本東漢漢興縣吳改吳興屬建安郡晉宋因之隋平陳省入建安唐武德四年又置改名唐興後廢入建安載初元年復置天授二年又改武寧神龍元年又改唐興天寶元年改浦城浦城本古名以城臨浦故其水曰柘源或曰南浦在縣南以此命名遂至今仍之元和志舊唐書地理志稟宇記

松溪縣在建寧府東少北號簡縣

本晉建安郡東平縣地舊為閩越之界戍兵所屯號松源鎮南唐保大九年升為縣因舊鎮之名宋開寶八年改名松溪溪在縣西二十里即建安

縣界元明清因之晉書地理志興地紀勝

案閩書載松溪三鄉首東平鄉建安志云松溪本吳越國處州之東平

鄉樂記云松溪源自處州龍泉縣東北流入則東平即今松溪無疑

政和縣在建寧府東號簡縣

本建安縣東境地五代時閩析置關隸鎮在今治南宋咸平五年升為縣析建安五里以益之徙東岸口即今治也屬建寧軍政和五年改為政和

縣輿地紀勝地廣記八閩志

案八閩志以關隸鎮為寧德地不知何所本寧德去政和太遠中隔羅源連江古田今不從

邵武縣附邵武府郭衝疲號中縣

昭武鎮本東越之烏坂城在縣東南三里昔越王拒漢其城六此其一也

吳永安三年立建安郡升昭武鎮為縣屬焉晉太康三年避司馬昭諱改

為邵武太寧元年又改邵陽宋永初元年復改邵武隋開皇九年廢屬泉

州今福初隆安三年析將樂西鄉置綏安縣義熙元年改為綏城至開皇

十二年併入故邵武地復置邵武縣屬撫州唐武德四年先析置綏城以

屬建州七年邵武亦屬焉貞觀三年又省綏城入邵武唐末為王氏所據

後晉天福初改昭武南唐保大閒復改邵武宋太平興國五年置邵武軍

領之詳邵武府下元隸邵武路明隸邵武府清因之晉書地理志宋書州郡志

書

光澤縣 在邵武府西衝難號中縣

本邵武縣西光澤金一作鳳二鄉八十里地唐於此置洋寧鎮後周改財

演鎮並屬建州宋太平興國六年析立縣以鄉名為名屬邵武軍元明清

因之察字記八

閩志閩書
建寧縣 在邵武府西南

本將樂縣地晉綏城縣莫徭之民居焉初隆安三年改將樂西鄉置綏安

縣義熙元年改綏城縣宋齊梁因之隋開皇閉同將樂併入邵武之南鄉

屬撫州唐武德四年析邵武置綏城隸建州貞觀三年仍省綏城入邵武

嗣聖五年析將樂水之南屬將樂隸建州水之北屬臨川隸撫州乾元二

年寧海軍使董玠奏分故綏城地為黃連歸化二鎮乾符五年黃連鎮人

陳巖以鎮兵禦黃巢表為義寧軍尋罷降為永安鎮南唐升為永安場宋

建隆二年南唐析置建寧縣屬建州宋太平興國五年併永安場入縣改

隸邵武軍元明清仍之察字記八閩志

案寰宇記只言永寧鎮升為場不言場名蓋即名永安南唐析場置縣
場尚存也故又言併場入縣

泰寧縣在邵武府南少西不衝
不繁不疲不難號簡縣

本將樂縣地古之金城場唐末於此立歸化鎮詳建寧後以去郡遠民繁

輸納戶口稍滋南唐保大三年立為歸化場後周顯德五年改為縣屬建

州宋太平興國五年割屬邵武軍元豐八年取闕里之府號案交州宋尊
稱泰寧府

易名泰寧元明清因之寰宇記葉祖治
詔改泰寧縣記

案輿地廣記作元祐元年改名蓋議於元豐末成於元祐初而追記則

在紹聖二年也

長汀縣附汀州府郭
衝繁號中縣

本晉安郡新羅地唐始立郡舊治在九龍水源長汀村大曆四年移白石

鄉即今治餘均詳汀
寰宇記新唐
書地理志

寧化縣在汀州府西
北號簡縣

福建地理志卷之六 汀州府

本沙縣西地唐武德初為黃連鎮以地有黃連洞故名唐開元二十二年

改置為縣屬汀州天寶元一作九年改為寧化縣後唐同光元年閩遷縣治

於鎮西竹篠窩即今治宋元因之明成化七年分柳楊下覺二里隸歸化

縣清因之元刊志實字記閩書方輿紀要

案黃連洞跨有延平之沙縣邵武之建寧汀州之寧化諸縣地如李志

謂寧化本沙縣地樂記謂寧化為黃連鎮所改又謂黃連鎮升建寧縣

皆是也然建寧之黃連鎮分於乾元二年閩書作乾符二年寧化之黃連鎮立

於武德初年故同一黃連同見樂記而年代相距甚遠蓋本係兩時兩

處之事也而李世熊寧化縣志因巫羅俊之闢黃連係唐初乾封閉事

乃誤合乾封乾元乾符之黃連為一不知若合為一則黃連鎮將隕巖

必不能援入唐初其時寧化黃連久已置縣尚何鎮之有世熊詞章家

攷據非其所長不足異也

清流縣在汀州府東北號餽縣

本唐長汀寧化二縣地後晉時立清流驛於寧化東原
宋元符元年提刑王祖道行郡憩驛愛其山水清淑且以寧化地
析其六里並長汀三里置清流縣以地有清溪故名紹定中廢元復置明
成化八年分歸上歸下二里隸歸化縣清因之八閩志謂清方與紀要謂汀志

歸化縣在汀州府東北號簡縣

本清流縣明溪寨巡檢司地明成化六年同知程熙以其地當將樂沙縣
寧化清流之交民梗難治請析四縣地為歸化縣次年乃成清因之八閩志

閩志 閩書

案析四縣地為一縣不能一時遽合故閩書於汀州府及本縣志其始
事皆言成化六年於寧化言在七年於清流將樂沙縣皆言在八年非
自相違異也

蓮城縣在汀州府東南號簡縣

本長汀縣之蓮城村宋元符間置蓮城堡以地有蓮峰山名紹興二年攝

福建地理志沿革下

長汀尉虞觀以南北團去長汀縣百餘里乞置縣以便統攝汀守鄭強又
析古田鄉六團里益之元至正六年草寇羅天麟亂平以蓮為連寓去草
之義明清因之

上杭縣

在汀州府南
舊繁號中縣

本晉新羅縣地唐大曆四年刺史陳劍折龍巖胡雷下保置上杭場在今
東後周顯德元年南唐徙場於藝梓保宋淳化五年升為縣割長汀南境
隸焉仍名上杭以州治居上流也至道二年徙龍沙咸平二年徙語口市
天聖五年徙鍾寮場乾道二年徙郭坊即今治也元仍舊明成化十五年
分勝運溪南太平金豐豐田各里共十九圖隸永定縣清因之八圖志
書方輿紀

武平縣

在汀州府西
南號簡縣

唐置汀州後以西南境地為南安武平二鎮隸長汀五代時閩併二鎮為
武平場命名當取其為南武侯之地宋淳化五年升為武平縣元明清無

更改漢書高帝紀圖書

永定縣在汀州府東南

本上杭縣地明成化十四年賊首鍾二等哨聚劫掠賊平巡撫高明奏析

五里地置永定縣詳上杭縣下清乃之志八閩

案方輿紀要以爲本永安縣地然相隔太遠今不從

霞浦縣附福寧府郭衝繁號要縣

本古長溪地置於雍正十一年詳福寧府下取名於霞浦山霞浦江縣志

福鼎縣在福寧府北少東衝繁號中縣

本霞浦縣東北路地明嘉靖三十八年徙舊門巡檢駐桐山堡清康熙八年改桐山營奏設游擊乾隆四年奏析勸儒鄉之望海育仁遙香廉江四

里置縣取名於二十都之福鼎山福鼎縣志

福安縣在福寧府西迤北疲難號中縣

本長溪縣西鄉地宋淳祐五年析長溪永樂鄉六里靈霍鄉二里置縣韓

福寧也里志沿革下

陽坂賜名福安隸福州鄭舖有記元隸福寧州明降為縣隸福州成化九年仍隸本州景泰閉割平溪里十一至十四凡四都隸壽寧縣清雍正十

二年屬本府八閩志閩書大清一統志

寧德縣在福寧府西南渡難號中縣

本長溪古田二縣地唐開成中析長溪寧川及古田地置感德場後唐升

縣詳福寧州下取名合寧川感德二處也隸長樂府宋屬福州元屬福寧州明

初屬福州成化復隸本州清屬本府寰宇記三山志閩書大清一統志福寧州志

壽寧縣在福寧府西北號簡縣

初屬建寧府本政和福安二縣地明景泰六年僉事沈訥以其地險遠有

大寶坑銀場時被溫處流民盜採因肆剽掠且不便徵輸請析置壽寧縣

治楊梅村清雍正十二年改屬本府八閩志大清一統志

德化縣在永春州北少西號簡縣

縣本永泰縣地唐貞元開析其歸義鄉為歸德場後唐長興二年開立為

德化縣屬長樂府州今福南唐改隸清源軍州今泉割尤溪縣常平進城二鄉

益之清雍正十二年改屬永春州三山志入閩志大清一統志

大田縣在永春州西北號簡縣

本尤溪地嘉靖十四年延平府通判林元倫平尤盜以大田地名地介延漳

泉三府之交宜置邑白於御史白賁守帥張徹奏請割尤溪縣一十五都

永安縣一都漳平縣一里十社德化縣黃認一團置縣屬延平府清雍正

十二年改屬永春州閩書大清一統志

漳平縣在龍巖州東少北號簡縣

縣本龍巖縣地明成化三年縣民林廷琥等言居仁聚賢感化和陸永福

五里險遠難制請別置縣巡撫滕昭奏聞六年以龍巖九龍鄉析置漳平

縣益以居仁等五里屬漳州府取其據漳水上流萬山之中此地獨平故

名清雍正十二年改屬龍巖州南齊書州郡志閩書名勝志明史地理志大清一統志

案閩書既以析置為成化五年事見龍巖又以為七年事今參從明志

寧洋縣 在龍巖州北
偏東號簡縣

本龍巖縣集賢里東西洋巡檢司地明嘉靖末土寇屢起汪道昆戚繼光
等討平之疏割集賢里五圖並大田永安縣各三圖置寧洋縣屬漳州取
名於寧靜東西洋之地時隆慶元年也清雍正十二年改屬龍巖閩書大
清一統

志寧洋
縣志

福建疆域志

案省府州縣所志方向里數各有不同大抵取徑稍歧卽廣袤迥別茲依清一統志以定畫一而諸志互異者逐條分注備參考焉

省在天下東南 東至海一百里西至江西寧都州瑞金縣界八百五十里南至海二百八十里北至浙江處州府龍泉縣界七百里 東南至海二百八十里西南至廣東嘉應州界一千二百里東北至浙江温州府平陽縣界五百十五里西北至浙江衢州府江山縣界八百二十五里 東西距九百五十里南北距九百八十里

福州府在省治所 東至大海岸一百九十里西至延平府南平縣界二百五十里南至興化府莆田縣界二百三十里北至建寧府政和縣界四百里 東南至大海二百八里西南至興化府治三百六十里東北至福寧府治二百一十里西北至延平府治二百七十八里 東西距四百四十里南北距六百三十里

附閩縣治府治東偏 東至連江縣界九十二里西至侯官縣界一里南

至福清縣界八十里北至侯官縣界二里 東南至長樂縣治府志七十

五里西南至侯官縣界二里府志七里 東北至連江縣界九十五里侯官縣

界一 西北至侯官縣界一里 東西距九十三里南北距八十二里

附侯官縣治府治西偏 東至閩縣界一里西至永福縣界八十里南至

閩縣界一里北至古田縣界一百七十一里府志百九 東南至閩縣界

一里西南至永福縣治一百里府志至縣東北至閩縣界一里府志至連

十七 西北至閩清縣治一百三十里府志至界 東西距八十一里南北

距一百七十二里府志三 東至海七十里府志東至大海灣百

長樂縣在府治東南百里府志百 東至海七十里府志東至大海灣百

西至閩縣界一里府志十里至縣志西水路百二里南至福清縣界五十里縣志

里北至海五里府志又北水路至 東南至海五十里府志至東洛水

五西南至福清縣界六十里縣志五 東北至海五十里府志至連江縣界

里

十五里 西北至閩縣界五里縣志五里 東西距七十一里南北距五十五里

福清縣在府南少東一百三十五里府志百二十里 東至海五十里縣志至長樂縣五十里

五里西至興化府莆田縣界六十五里府志六十里 南至海一百二十里北至長

樂縣界三十里府志二十里 東南至海一百五十里西南至莆田縣治一百

二十里府志八十里 東北至長樂縣界六十里府志三十里 西北至閩縣界

四十五里府志十五里 東西距一百十五里南北距一百五十里

連江縣在府東北九十五里府志百里 東至海二十里府志又東至小西至

侯官縣界四十里南至閩縣界十五里府志二十五里又南至瑄頭渡十五里 北至羅源縣

界八十里 東南至海三十五里西南至侯官縣治九十五里府志至閩縣界二十里

五里東北至羅源縣治一百里府志至界百二十里 西北至侯官縣界九十五里府志九十里

東西距七十五里南北距九十五里

羅源縣在府東北一百五十里府志六十里 東至海四十五里縣志東至大海一百三十里

西至古田縣界四十五里府志西至連江縣界二十五里 南至連江縣三十五里北至福

州

寧府寧德縣界四十里府志北至古田縣界百八十里東南至海四十里縣志抵連江縣界三十里

五西南至連江縣治一百里府志至海十五里江詳搜鳳山界三十五里縣志抵連江縣界三十里東北至寧德

縣治一百里府志至海十五里縣志抵古田縣界六十里府志至侯官縣界六十里縣志抵古田縣界六十里府志至侯官縣界六十里

古田縣在府西北二百七十里府志作八十里東至羅源縣界一百二十里府志至建寧府建安縣界八十里西至延平府南平縣界一百五十里府志至建寧府建安縣界八十里

清縣界八十里府志一百二十里縣志北至屏南縣界五十里府志至侯官縣界八十里東南至侯官縣

清二百五十里府志至屏南縣界一百四十里西南至延平府尤溪縣治二百里府志至延平府尤溪縣治二百里

八里府志至屏南縣界一百四十里東北至寧德縣治二百五十里府志至屏南縣界一百四十里西北至建寧府建安

縣治二百五十里府志至屏南縣界一百四十里東西距二百七十里南北距二百三十

里府志至屏南縣界一百四十里屏南縣在府西北三百二十里府志縣志俱東至古田縣界七十里府志

屏南縣在府西北三百二十里府志縣志俱東至古田縣界七十里府志

縣志至屏南縣界七十里府志縣志俱東至古田縣界七十里府志

縣志至屏南縣界七十里府志縣志俱東至古田縣界七十里府志

縣志至屏南縣界七十里府志縣志俱東至古田縣界七十里府志

縣志至屏南縣界七十里府志縣志俱東至古田縣界七十里府志

府志縣志一
百三十里

北至建寧府政和縣界十五里

府志縣志
五十里

東南至古田縣

界一百二十里西南至建安縣界一百六十里

府志縣志俱
一百里

東北至福寧府

寧德縣界七十里西北至建安政和二縣界七十里

東西距一百四十

里南北距一百里

閩清縣在府西北一百二十里

東至侯官縣界十五里西至延平府尤

溪縣界七十里南至永福縣界五十里北至古田縣界七十里

東南至

侯官縣治一百二十里

府志至界
十五里

西南至永福縣治五十里

府志一
百里

東北

至古田縣治一百五十里

府志至界
六十里

西北至尤溪縣界七十里

東西距

八十五里南北距一百二十里

永福縣在府西南一百六十里

府志一百
二十里

東至侯官縣界六十里西至

延平府尤溪縣界九十里

府志九
十五里

南至興化府仙遊縣

府志至
莆田縣

界七十里

北至閩清縣界四十五里

東南至興化府莆田縣界八十五里

府志至
仙遊縣

界八十五里

西南至永春州德化縣界一百里東北至侯官縣界七十五里西

北至尤溪縣治二百四十里府志至閩清縣界六十里 東西距一百五十里南北距

一百十五里

興化府在省治南二百四十里郝志西南二百七十里 東至海九十里郝志九里西

至永春州界一百二十里郝志西抵福州府永春縣界百四十里 南至大海四十里郝志南抵泉州

府惠安縣界六十里 北至福州府福清縣界四十五里 東南至大海一百里西

南至泉州府惠安縣界六十里郝志抵永春州界百二十里 東北至福清縣治一百二

十里西北至永春州德化縣治二百里 東西距二百一十里南北距八

十五里

附莆田縣 東至大海九十里西至仙遊縣界三十里縣志五里 南至大海

四十里縣志至仙遊縣界四十里 北至福州府福清縣界四十五里縣志四里 東南至

大海一百里縣志九里 西南至仙遊縣界六十里縣志四里 東北至福清縣界

四十五里縣志五里 西北至永福縣界一百二十里縣志百二十里 東西距百二十

里南北距八十五里

仙遊縣在府西七十里 東至莆田縣界四十里西至永春州界五十里

郝志西南至泉州府惠安縣界七十五里北至福州府平福縣界八十里

郝志北抵莆田 東南至惠安縣界五十里西南至泉州府南安縣界三十五里

郝志西南抵永春州 東北至莆田縣界一百里西北至永春州德化縣界一百里

東西距九十里南北距一百五十五里

泉州府在省治西南四百一十里 東至海一百三十里西至漳州府長

泰縣界一百五十里府志至龍溪縣南至海一百三十里府志北至興化

府仙遊縣界一百三十里郝志一百四十里府志至東南至海八十三

里西南至漳州府龍溪縣界一百四十里府志二百五里東北至仙遊縣界九十

里西北至永春州界一百五里府志至龍巖州界東西距二百八十里

南北距二百三十三里

郭晉江縣 東至惠安縣界二十里西至南安縣界八里南至海一百零

三里府志南至大海圍 北至仙遊縣界一百三十里府志一百 東南至

海八十三里府志二西南至南安縣界三十里東北至仙遊縣界九十里

縣志至惠安縣西北至南安縣界十里東西距二一八里南北距二百

三十三里

南安縣在府西少北十五里東至晉江縣界八里西至安溪縣界六十

七里南至同安縣界八十里北至永春州界九十里東南至晉江縣界

二十五里府志一十五里西南至同安縣界一百一十里府志至同安縣小

志至同安羅山院東北至興化府仙遊縣治一百七十里府志至晉江縣

前一百一十里縣志至晉江縣界西北至永春州界九十里府志至永春州界東西距

七十五里南北距一百七十里

惠安縣在府東北五十里東至海四十五里西至晉江縣界三十里府志

至晉江洛陽南至海四十五里北至興化府仙遊縣界五十里府志六東

南至海五十里西南至仙遊縣界三十里東北至仙遊縣界四十五里西

北至仙遊縣界四十五里府志至晉江東西距七十五里南北距九十五里

同安縣在府西南一百三十里 東至南安縣界四十里 縣志東至三忠

巷廳清乾隆四十年割三忠宮以東歸馬巷廳管轄西至漳州府龍溪縣界七十五里南至海八十

里北至安溪縣界五十五里 東南至南安縣界四十五里 縣志東南至

乾隆四十年割白嶼東西南至漳州龍溪縣界七十五里東北至南安縣

界四十里西北至漳州府長泰縣界五十里 東西距一百十五里南北

距一百三十五里 馬巷廳距府西南一百里

安溪縣在府西一百五里 東至南安縣界二十五里西至同安縣界六

十里南至南安縣界二十五里北至永春州界六十里 府志至龍巖州漳

里東南至南安縣界四十里西南至同安縣界六十里東北至永春州

界九十里西北至龍巖州漳平縣界一百七十里 府志至漳州府龍溪

東西距八十五里南北距八十五里

漳州府在省治西南六百八十里 東至泉州府同安縣界七十里 郝志

九西至汀州府永定縣界二百里 郝志抵長汀南至大海一百八十里

福建通志漳州

平縣廣東潮州府饒平縣北至泉州府安溪縣界一百一十里府志抵延平

六百里東南至大海一百八十里府志五十里西南至廣東潮州府饒平

縣界二百八十里府志二百五東北至泉州府同安縣界一百二十里西

北至汀州府連城縣界四百里府志四東西距二百七十里南北

距二百九十里

附龍溪縣東至泉州府同安縣界七十里府志至長泰縣界三十七里

里西至南靖縣界三十里府志至同安縣界五南至漳浦縣界五十里府志一百二

縣治北至長泰縣界二十五里治長泰縣東南至海澄縣治五

十里府志至界西南至平和縣治二百一十里東北至長泰縣治四十里

西北至龍巖州漳平縣治二百二十里東西距一百里南北距七十五

里

漳浦縣在府南一百二十里東至大海八十里西至南靖縣界六十里

縣志一百南至詔安縣界六十里縣志一百北至龍溪縣界五十里縣志

府治一百二十里 東南至大海八十里西南至詔安縣界八十里東北至海澄

縣治七十里西北至南靖縣治一百三十里 東西距一百四十里南北

距一百一十里

海澄縣在府東南五十里 東至漳浦縣鎮海衛界六十五里西至龍溪

縣界一十五里南至漳浦縣界四十里北至龍溪縣界一十里府志北至同安縣界

一十里東南至海一里西南至漳浦縣治七十里東北至同安縣治一百

四十里西北至龍溪縣界十五里 東西距八十里南北距五十里

南靖縣在府西四十里 東至龍溪縣界十里府志東至府治四十里西至龍巖州

漳平縣界一百二十里府志西至龍巖二百二十里南至漳浦縣界一百里北至漳平

縣界一百三十里府志二百四十里東南至漳浦縣治一百三十里西南至平

和縣界五十里府志七十里東北至長泰縣治七十五里西北至漳平縣界一

百里 東西距一百三十里南北距二百三十里

長泰縣在府東北四十里 東至泉州府同安縣界六十里府志一百二十里西

至龍溪縣界三十五里南至龍溪縣界五里府志南至高浦所八十里北至泉州府安

溪縣界八十里 東南至同安縣界五十里西南至龍溪縣界十五里東

北至同安縣界八十里西北至龍溪縣界五十里 東西距九十五里南

北距八十五里

平和縣在府西南二百五里 東至南靖縣界一百四十里西至廣東潮

州府大埔縣界三十里府志至饒平縣一百里南至詔安縣界一百里府志南至漳

八十里北至汀州府永定縣界一百一十里府志二百一十里東南至漳浦縣界

一百八十里西南至廣東潮州府饒平縣治一百里東北至南靖縣治一

百七十里西北至永定縣治二百二十里 東西距一百七十里南北距

二百一十里

詔安縣在府西南二百五十里 東至大海八十里府志東至漳浦一百三十里西至

廣東饒平縣界四十里南至饒平縣界二十里府志至懸鐘大海三十三里

北至平和縣界四十里 東南至大海三十里西南至饒平縣界一百里

東北至漳浦縣界八十里西北至饒平縣界一百里 東西距二百二十里南北距七十里

延平府在省治西三百六十里 東至建寧府建安縣界五十里西至汀

州府清流縣界二百二十五里南至福州府古田縣界一百二十里北至

邵武縣界一百八十里 東南至古田縣界二百二十里西南至永春州

德化縣界三百九十里東北至建寧府甌寧縣界一百三十里西北至汀

州府歸化縣界二百六十里 東西距二百七十五里南北距三百里

南平縣 東至福州府古田縣界一百里府志東至建安縣界四十五里西至順昌縣

界六十里府志至沙縣界六十五里南至尤溪縣界六十里北至建寧府甌寧縣界一

百里 東南至古田縣治二百二十里西南至沙縣界六十里府志至永

里東北至建寧府建安縣治一百三十里府志至甌寧縣界一百里西北至甌寧縣界

一百里府志至順昌縣界一百二十里東西距一百六十里南北距一百六十里

順昌縣在府西少北一百二十里 東至南平縣界五十里西至將樂縣

界五十里府志至邵武縣界六十里南至沙縣界二十里府志至將樂縣界三十五里北至建寧府

甌寧縣界一百里府志至建陽縣界一百四十里東南至沙縣界二十里府志至將樂縣界六十里

西南至沙縣治一百里府志至沙縣界五十里東北至甌寧縣治二百一十里府志至建寧府

陽縣界百三十里西北至邵武府邵武縣治一百八十里府志至甌寧縣界六十里東西距

一百里南北距一百二十里

將樂縣在府西二百二十里東至順昌縣界五十五里府志五十里西至邵

武府泰寧縣界一百里南至沙縣界四十里府志至歸化縣界一百里北至邵武府邵

武縣界一百里府志一百二十里東南至沙縣治一百二十里府志至順昌縣界六十里西

南至汀州府歸化縣治一百三十里東北至邵武縣界一百二十里府志至順昌縣界六十里

昌縣界西北至邵武縣治一百六十里府志至泰寧縣界九十里東西距一百五十

五里南北距一百四十里

沙縣在府西南一百二十里東至南平縣界七十里府志八十里西至永

安縣界八十里府志九十里俱南至尤溪縣界六十里府志俱至大田縣界一百里北至順

昌縣界八十里府志俱至將樂縣界一百里府志東南至尤溪縣治一百四十里府志至

里西南至永安縣治一百六十里府志至大田縣界九十里府志東北至順昌縣治一百里

府志至界西北至將樂縣治一百二十里府志至歸化縣界八十里府志東西距一百五

十里南北距一百四十里

尤溪縣在府南一百六十里東至福州府閩清縣界一百里府志至南平縣界九

里西至永春州大田縣界一百三十里府志一南至永春州德化縣界一

百三十里縣志一百北至沙縣界六十里府志九十里縣志八十里府志東南至福州府

永春縣界一百七十里府志至閩清縣界一百四十里府志西南至德化縣治二百二十里府志

至大田縣界一百里府志東北至南平縣界八十里西北至沙縣治一百四十里府志至

界一百里東西距二百三十里南北距一百九十里

永安縣在府西南三百里縣志三百東至永春州大田縣界一百里府志至尤

溪縣界一百二十里西至汀州府清流縣界八十里府志一百二十里縣志南至龍

巖州寧洋縣界六十里府志至大田縣界一百里府志北至沙縣界九十里府志至歸化

昌建寧或云建寧

東南至大田縣治一百七十里府志至界一百里西南至汀州府連城縣治二百

里府志至界一百二十里縣東北至沙縣治一百六十里府縣志俱至界八十里西

北至汀州府歸化縣界一百里府志六十里縣志至清流縣界一百里東西距一百八十

里南北距一百五十里

建寧府在省治西北四百八十里東至福寧府福安縣界三百四十里

府志三百三十六里西至邵武府邵武縣界一百五十五里南至延平府南平縣界

八十里北至浙江衢州府江山縣界三百五十里東南至福州府古田

縣界二百五十里西南至延平府順昌縣界一百一十五里東北至浙江

處州府龍泉縣界二百二十五里西北至江西廣信府鉛山縣界三百四

十五里東西距四百九十五里南北距四百三十里

附建安縣東至政和縣界一百里西至甌寧縣界一里南至延平府南

平縣界八十里北至甌寧縣界一里東南至福州府古田縣治一百五

十里西南至南平縣界七十五里東北至松溪縣界一百一十里西北至

甌寧縣界三里府縣志 東西距一百零一里南北距八十一里

附甌寧縣 東至建安縣界一里西至延平府順昌縣界一百里府志 東至建

陽縣界南至建安縣界一里北至浦城縣界一百六十里府縣志 俱東

南至建安縣界三里府縣志 西南至延平府順昌縣界一百八十里府志

一百二十里 東北至松溪縣界一百里府縣志 西北至建陽縣界八十里府志

一百零一里南北距一百六十一里

建陽縣在府東一百二十里 東至甌寧縣界三十五里西至邵武府邵

武縣界一百里南至甌寧縣界三十五里北至崇安縣界四十里 東南

至甌寧縣界七十里西南至延平府順昌縣界一百里東北至浦城縣界

二百二十里西北至邵武縣界一百三十里 東西距一百三十五里南

北距七十五里

崇安縣在府西北二百四十里 東至浦城縣界七十里西至江西廣信

府鉛山縣界一百二十里府縣志 俱南至建陽縣界八十里北至江西廣

信府上饒縣界七十里 東南至建陽縣治一百二十里府志抵界八十五里

西南至建陽縣界八十里東北至廣信府永豐縣治一百三十里府志抵

浦城縣界西北至鉛山縣治一百三十里府志抵上饒縣界七十五里 東西距一百

九十里南北距一百五十里

浦城縣在府東北二百七十里 東至浙江處州府龍泉縣界九十里縣志

西至崇安縣界八十里縣志九 南至甌寧縣界九十里縣志北至浙江

衢州府江山縣界七十五里縣志 東南至松溪縣九十里縣志七 西南

至崇安縣界七十里縣志抵建陽縣界七十里 東北至江山縣九十里縣志抵浙江處

州府遂昌縣界一百一十五里縣志 東西距一百七十

里南北距一百六十五里

松溪縣在府東一百六十里 東至浙江處州府慶元縣界四十五里西

至政和縣界四十五里南至政和縣界二十五里北至浦城縣界七十五

里縣志四 東南至政和縣界四十五里縣志二 西南至建安縣界四十五

里縣志四

五里縣志至政和縣東北至慶元縣治八十里西北至浦城縣治一百三

十里府志百八十里縣志東西距九十里南北距一百里

政和縣在府東一百四十里縣志百八十里東至福寧府壽寧縣界八十里西

至建安縣界三十五里南至福州府古田縣界一百里北至松溪縣界二

十里府志三東南至福寧府寧德縣治二百五十里府志三百五十里

對西南至建安縣界三十五里縣志三東北至浙江慶元縣治一百二十

里縣志抵界西北至松溪縣界四十五里府志二東西距一百一十五

里南北距一百二十里

邵武府在省治西北六百七十里東至延平府順昌縣界一百二十里

西至江西建昌府新城縣界一百四十里府志俱南至延平府將樂縣界

一百一十里府縣志至汀州寧化北至建安府建陽縣界七十里府縣志

鉛山縣界東南至延平府將樂縣界一百四十里西南至寧化縣界三

百四十里府縣志三百東北至建陽縣界六十里府縣志俱西北至江西

福建建寧府邵武

新城縣界一百六十里 東西距二百六十里南北距一百八十里

附邵武縣 東至延平府順昌縣界一百二十里西至光澤縣界七十

里府縣志至江西新城縣界一百六十里南至泰寧縣界七十

里府縣志俱東南至延平府將樂縣界一百四十里西南至泰寧縣界

一百二十里府縣志東北至建陽縣界六十里府縣志五西北至光澤縣

界五十五里 東西距一百九十里南北距一百四十里

光澤縣在府西北八十里 東至邵武縣界二十五里西至江西建昌府

新城縣界七十里南至邵武縣界一十里北至江西鉛山縣界一百四十

里 東南至邵武縣界八十里府志西南至泰寧縣治一百六十里府志

城縣界東北至邵武縣界七十五里西北至新城縣治一百二十里府志

山縣界一百二十里 東西距九十五里南北距一百五十里

建寧縣在府西南二百一十里 東至泰寧縣界三十里府志西至江

西建昌府廣昌縣界八十里南至汀州府寧化縣界六十五里北至建昌

府南豐縣界五十里 東南至寧化縣界六十里縣志至歸化西南至寧

化縣界一百里東北至江西新城縣界八十里縣志五西北至江西南豐

縣界六十里府志八東西距一百一十里南北距一百一十五里

泰寧縣在府西南一百四十里 東至邵武縣界七十里西至建寧縣界

四十里府志至將樂南至延平府將樂縣界四十里府志二北至邵武縣

界八十里 東南至將樂縣治一百二十里府志至建寧西南至汀州府

寧化縣界一百里縣志抵歸化東北至邵武縣界七十里縣志抵將樂西

北至建寧縣界五十五里府志縣志東西距一百一十里南北距一百

二十里

汀州府在省治西南九百七十五里府志在省西南東至延平府永安

縣界二百四十里府志抵延平西至江西贛州府瑞金縣界六十里南至

廣東潮州府大埔縣界二百一十里北至江西建昌府廣昌縣界一百七

十里府志五百東南至漳州府南靖縣界四百里縣志至龍巖州界西

南至廣東嘉應州界三百四十里東北至邵武府泰寧縣界二百五十里

郝志六百三十里西北至江西贛州府石城縣界二百里東西距三百里南北

距三百八十里

附長汀縣東至寧化縣界八十里西至江西瑞金縣界六十里南至上

杭縣界一百五十里府志一百一十里北至瑞金縣界六十里府志五十里東南至

連城縣界一百六十里府志一百三十里西南至武平縣界一百零五里東北至

寧化縣界八十里西北至瑞金縣界六十里東西距一百四十里南北

距二百一十里

寧化縣在府東北一百六十里郝志一百八十里東至清流縣界三十

五里西至江西石城縣界七十五里南至長汀縣界九十里縣志一百零五里北至

邵武府建寧縣界一百一十里東南至清流縣界六十里西南至長汀

縣界百里府志縣志俱七十里東北至歸化縣治百二十里府志縣志至邵武府界一百二十里

西北至江西廣昌縣治一百九十里府志縣志至界一百二十里東西距一百一十

里南北距二百里

清流縣在府東北二百里郝志二百一十里東至延平府永安縣界九十里縣志

一百一西至寧化縣界二十里府志二十里南至寧化縣界一十五里縣志六十里

府志至連城縣界一百一十五里北至歸化縣界六十里縣志一百一十里東南

至連城縣治二百里府志一百一十里西南至寧化縣界二十里東北至歸化縣

治九十里府志七十五里西北至寧化縣界三十里東西距一百一十里南

北距七十五里歸化縣在府東北二百九十里府志三百一十里東至延平府將樂縣界三十里

西至寧化縣界八十里府志七十五里南至延平府永安縣界九十里府志

志八北至邵武府泰寧縣界六十里府志七十里東南至永安縣治一

百六十里府志一百二十里西南至清流縣治九十里府志四十四里東北至將

樂縣治一百二十里府志一百一十里西北至邵武府建寧縣界一百里

縣志一百一十里府志一百一十里東西距一百一十里

至寧化縣界七十里

連城縣在府東南一百六十里府志百七十里東至延平府永安縣界

八十里縣志百一十里西至長汀縣界六十里府志百一十里南至上杭縣界一百里府志

至龍巖州北至長汀縣界六十里縣志至清流縣界四十五里東南至龍巖州界一

百五十里府志至寧洋縣界一百四十里西南至上杭縣治二百四十里府志至界一百

里東北至清流縣治一百四十里府志至界三十五里西北至長汀縣界

六十里縣志四東西距一百四十里南北距一百六十里

上杭縣在府南一百八十里府志二百東至龍巖州界一百里西至武

平縣界二十五里南至廣東潮州大埔縣界一百三十里北至長汀縣界

三十里府志一東南至永定縣治一百二十里府志至龍巖州西南至廣

東嘉應州治三百一十里府志至界百九十里東北至連城縣治百四十里府志至

里西北至武平縣治八十五里府志八東西距一百二十五里南北距

一百六十里

武平縣在府西南百五十里府志二東至上杭縣界五十里府志二西

至江西贛州府安遠縣界一百四十五里南至廣東嘉應州界九十里北

至長汀縣界一百五十里 東南至廣東大埔縣界一百五十里府志至

陽縣界一百五十里西南至嘉應州界一百里東北至長汀縣界一百二十里府志

枕縣界一百一十里西北至贛州府會昌縣治一百八十里 東西距一百九十五

里南北距二百四十里

永定縣在府東南三百里府志南三百四十里 東至漳州府南靖縣界

一百里府志二百一十里西至上杭縣界七十里南至廣東大埔縣界五十里府志

東饒平縣界一百里北至上杭縣界八十里府志至龍巖州界一百二十里東南至漳州府平和縣

治二百二十里府志至界一百二十里西南至廣東嘉應州治一百六十里府志至界

東北至龍巖州治一百四十里府志至南靖縣界一百二十里西北至上杭縣治一百二

十里府志至縣界八十里東西距一百七十里南北距一百三十里

福寧府在省治東北五百四十五里 東至大海二百里西至福州府古

田縣界一百六十里府志抵建寧府政和縣界二百八十里南至海一百里府志抵福州府

福建圖或示福寧

百六北至浙江温州府泰順縣界一百七十里府志抵温州平陽東南至

海一百里西南至福州府羅源縣界一百六十里東北至浙江平陽縣界

二百里西北至浙江處州慶元縣界二百九十里府志抵泰順縣東西

距三百六十里南北距二百七十里

附霞浦縣 東至福鼎縣界七十里西至福安縣界四十里南至海百里

北至福鼎縣界百二十里 東南至福鼎縣界六十里西南至福安縣界

五十里東北至福鼎縣界一百里西北至福安縣界六十里 東西距一

百一十里南北距二百二十里

福鼎縣在府東北二百里 東至浙江温州平陽縣界九十里西至浙江

泰順縣界七十里南至霞浦縣界一百一十里北至分水關與浙江平陽

縣界四十里 東南至海七十里西南至霞浦縣界七十里東北至浙江

平陽縣界四十里西北至浙江泰順縣界五十里 東西距一百六十里

南北距一百五十里

福安縣在府西北一百一十里府志二 東至霞浦縣界四十里府志六

西至寧德縣界四十里府志七 南至寧德縣界七十里府志八 北至壽寧

縣界六十里府志七 東南至霞浦縣界一百里西南至寧德縣治一百

三十里府志抵界 東北至霞浦縣界一百里府志六 西北至壽寧縣治一

百二十里府志抵界 東西距八十里南北距一百三十里

寧德縣在府西南一百一十里府志二 東至霞浦縣界三十五里府志

七十西至福州府古田縣界一百二十里南至福州府羅源縣界一十五

里北至壽寧縣界一百九十里府志抵建寧府政和 東南至海二十里

西南至福州府羅源縣治七十里東北至福安縣治一百三十里西北至

建寧府政和縣治三百四十里 東西距一百五十五里南北距二百零

五里

壽寧縣在府西北一百六十里府志府西二 東至福安縣界九十里西

至建寧府政和縣界一百里南至寧德縣界一百里北至浙江處州府景

寧縣界八十里 東南至福安縣治一百二十里府志抵界八十里西南至寧德

縣治一百四十里府志抵界一百里東北至浙江泰順縣治一百四十里府志抵界七十

里西北至浙江慶元縣治一百九十里府志抵界一百里東西距一百九十里

南北距一百八十里

永春州在省西南四百一十里 東至興化府仙遊縣界八十里西至龍

巖州漳平縣界三百里南至泉州府南安縣界四十五里北至福州府永

福縣界一百八十里 東南至南安縣界三十里西南至泉州府安溪縣

界三十里州志五里東北至永福縣界一百九十五里西北至延平府永安

縣界四百一十里 東西距三百八十里南北距二百二十五里 本州

境東至泉州府南安縣界三十里西至龍巖州漳平縣界四十五里南至

南安縣界四十五里北至德化縣界四十五里 東南至南安縣界三十

里西南至泉州府安溪縣界三十里東北至興化府仙遊縣界六十里西

北至漳平縣界一百五十里 東西距七十五里南北距九十里

德化縣在州北少西三十里 東至興化府仙遊縣界八十里州志至福

縣界八西至大田縣界一百二十里州志一百里南至本州界二十里北至永

福縣界一百二十里州志至延平府尤溪縣界一百里東南至本州界二十里州志至

界八西南至本州界七十里州志三東北至福州府永福縣界一百五十

里州志百西北至延平府尤溪縣界七十里州志一東西距二百里南

北距一百四十里

大田縣在州西北二百六十五里州志一百一十里東至延平府尤溪縣界七

十里州志一百一十里西至龍巖州寧洋縣界一百里州志至龍巖州漳平縣界二百里南至德

化縣界六十里北至延平府永安縣界七十里 東南至德化縣治二百

里西南至龍巖州漳平縣治二百二十里東北至延平府沙縣治二百三

十里州志八十里西北至永安縣治一百七十里州志至界一百五東西距

一百七十里南北距一百三十里

龍巖州在省西南九百里州志九百九十里東至泉州府安溪縣界二百一十

里

里州志八十里西至汀州府上杭縣界五十里南至漳州南靖縣界九十

里北至延平永安縣界二百里州志一百五十里東南至漳州府龍溪縣

界二百二十里州志三十里西南至汀州府永定縣治一百六十里州志

里與永定界東北至永春州界二百里州志八十里西北至汀州府連城縣界

一百里州志四十里東西距二百六十里南北距二百九十里

漳平縣在州東七十里東至泉州府安溪縣界六十里州志東西至本

州界六十里南至漳州府南靖縣界七十里州志南北至永春州大田縣

界六十里東南至漳州府龍溪縣界七十里州志東南西南至本州治

百四十里州志西南東北至永春州界六十里西北至寧洋縣界三十里

東西距一百二十里南北距一百三十里

寧洋縣在州東北七十里州志一百東至永春州大田縣界八十里西

至本州界一百二十里南至漳平縣界六十里北至延平府永安縣界六

十里東南至漳平縣界四十里西南至本州治一百五十里州志八十

里與本州

東北至延平府永安縣界八十里州志九西北至汀州府連城縣界一

百里州志一百東西距二百里南北距一百二十里

臺灣府在東南大海中距省一千二百里水行自澎湖至廈門水程七更舊

志以六十里為一更計六百六十里東至大山番界五十里抵咬狗溪

自泉州同安縣至省城五百四十里府志抵羅漢西至澎湖島五十里府志抵澎湖三百二

大門莊內門六十五里府志是曰中路西至澎湖島五十里府志是曰南路北至雞

籠城海二千三百十五里府志抵雞籠六百三東西距除澎湖及水程

四更外廣一百里南北距二千八百四十五里府志廣三百八十五

郭臺灣縣東至大山番界四十五里府志至羅漢門莊西至鹿耳門海

五里府志南至鳳山縣界十里府志至依仁里交界僅十里清雍正十一年改北

至諸羅縣清乾隆間四十里府志至新港溪嘉義縣界二十里溪以南有

東西距除澎湖及水程四更外廣五十里南北距五十里府

廣六十八里袤四十里海防志處大海之中坐東南面西北為江浙閩

粵四省之外界諸島往來之要會鳳山縣志澎湖為門戶鹿耳為咽喉

鳳山縣在府治南八十里 東至大山番界二十五里 府志至港西旂西

至海三十里 府志至打南至沙馬磯頭二百三十里 府志三百 北至臺灣

縣界四十五里 府志至二贊行溪 東西距五十五里南北距二百七十

五里

嘉義縣 原諸羅縣 在府北一百十七里 東至大山番界二十一里 府志至大

西至海三十里南至臺灣縣界七十七里 府志新港 北至彰化縣界

一百二十八里 府志虎尾 東西距五十一里南北距二百零五里

彰化縣在府北三百九十七里 東至大山番界二十里 府志至南北 西

至鹿仔港海二十里南至嘉義縣治二百八十里 府志至虎尾溪嘉 北至

雞籠城海六百零八里 府志至大甲 東西距四十里南北距八百八十

八里

淡水廳在府北四百里 府志距府三 東至南山十里西至大海七里南

至大甲溪一百一十九里北至大雞籠城二百七十五里 東西距一十

七里南北距二百九十四里

澎湖屬距府二百四十里 東至東吉與八十里西至草嶼八十里南至

南興一百里北至言員與八十里

皆係水程
不計廣袤